


易象正 八之十




漢書門類			
三	六	六	六
冊	架	函	號


內閣文庫			
二	八	三	漢
七	四	六	書
六	五	六	門
函	冊	號	類
一	架	冊	架

黄石齋經傳九種
十

內閣文庫			
番號	漢	8456	
冊數	36 (10)		
函號	276	9	



綴じ部(喉部分)の文字など開きが不鮮明な箇所あり




易象正卷之八

漢草文庫

書

漳浦黃道周輯

晉安鄭開極重訂



夫揚于王庭孚號有厲告自邑不利卽戎利有攸往。

彖曰夫決也剛決柔也健而說決而和揚于王庭柔乘五剛也孚號有厲其危乃光也告自邑不利卽戎所尚乃窮也利有攸往剛長乃終也。

象曰澤上於天夬君子以施祿及下居德則

忌

正曰夬姑洗之卦也。萬物齊潔盥滌去穢其律六十有四神明之所取斷也。是而猶有忌焉。何也。即戎之德難乎為上也。說而和用以能通。健而決不用以柔遠。揚庭告邑則猶自為治也。或曰施祿居德之適相戾。何也。曰君子自治不以治人。厲已不以厲人。爵祿之在王庭。予之不敢恩奪之不敢怨。去小人而有怒氣。昇君子而有德色。是皆君子之所甚忌也。君子居仁而不居惠。居義而不居利。居於无所利而不居於為仁義者。詩曰為謀為毖亂况斯削告爾憂恤。誨爾序爵。天位天祿係於王庭。王者以公於天下。君子以奉於王者。致謙以居之。致恪以受之。又何孚號之有乎。書曰居

寵思危。剛不惟畏。則可去其夬。夬者矣。故夬者。施祿及天下之象也。施祿者不自德厚下者不自宅。及其究也。為厚下安宅。

初九 夬之

夬揚于王庭孚號有厲告自邑不利即戎利有

攸往。

大過棟撓利有攸往亨

壯于前趾往不勝為咎

象曰不勝而往咎也。

正曰勝而往亦豈无咎乎。大壯之趾則猶有孚。夬之前趾則遂得咎。何也。大壯而恒

則猶未為過也。夫而大過則是為過也。夫以五陽決一陰而猶有不勝何也。曰棟之撓也。其壯不任。事機未決。而漏言先洩。宵人自防。其柄倒持。往而不勝。又何怪乎。曰是兩利往也。利往以求制勝。何壯之有。曰是死位也。而動已蚤。君子制事。而下人是謀。鮮有不覆者矣。詩曰。厭浥行露。豈不夙夜。畏行多露。壯趾而夙夜。何貴之有。

九二 夬之

夬揚于王庭。孚號有厲。告自邑。不利即戎。利有攸往。

革巳日乃孚。元亨利貞。悔亡。

惕號。莫夜有戎。勿恤。

象曰。有戎勿恤。得中道也。

正曰。革則有位矣。有位而用柔。孚惕厲號。天下信之。然且似有憂恤者何也。燭耀行宵。蟬出陰。朝宁之有小人。猶邊庭之有。□□。不保其死。但曰夜行而已。君子之治。小人不能使小人絕類。能使小人信志。莫夜之惕號。非曰怨憎。亦以自警也。詩曰。告爾憂恤。誨爾序爵。誰能執熱。逝不以濯。爵位者朝廷之干極也。爵位畫明。干極夜勤。雖有伏戎。勿憂之矣。故曰。木炭互勝者。朝廷之大戒也。以知其消長。節其蝥莫。則可免於厲矣。

九三 夬之

夬揚于王庭。孚號有厲。告自邑。不利即戎。利有

攸往。

兌亨利貞。

壯于頄有凶。君子夬夬，獨行遇雨，若濡，有愠无咎。

象曰：君子夬夬，終无咎也。

正曰：健而說，然猶之健也。世未有不獨行而能健者也。獨行壯頄，其勢必爭。麗澤而往，衆志乃合。故獨行者，君子之志。麗澤者，君子之務也。君子合衆以成務，致獨以審幾。夫夫而行，雖未得志，天下猶且信之。詩曰：肆不殄厥愠，亦不隕厥問。太王是也。夫无獨行之志，而欲成麗澤之務，道謀牽於下，黨議發於上，雖曰无愠，與壯頄者同敗也。詩曰：如匪行也。謀是用，不得于道。

九四

夬之需

夬，揚于王庭，孚號有厲，告自邑，不利卽戎，利有攸往。

需有孚，光亨，貞吉，利涉大川。

臀无膚，其行次且，牽羊悔亡，聞言不信。

象曰：其行次且，位不當也。聞言不信，聰不明也。

正曰：夬，決也。需，不進也。夫以夬決之時，進需時之策，誰信之乎？君子因時相物而動。

退而謀其身。進而謀其人。无膚之譽。不可行也。率羊之策。不可前也。於是而道決。進之策。則亦且疑之矣。君子之居德也。為兌而說。為需而待。說而獨行。待而能斷。故以謀則寡失。以動則无悔。若濡有愠。聞言不信。則猶未失。斷也。周公出師於畢。龜焦而棄。龜陳師於牧。雨至而決戰。周公之獨行也。文王伐密而密下。伐崇而崇降。然且七年。大勳未集。是文王之次日也。文王次且。不以為怯。周公獨行。不以為壯。夫亦曰時而已。詩曰。孔惠孔時。維其盡之。子子孫孫。勿替引之。文王周公之謂也。

九五 夫之 大壯

夫揚于王庭。孚號有厲。告自邑。不利。即戎。利有攸往。

大壯。利貞。

莫陸夬夬。中行无咎。

象曰。中行无咎。中未光也。

正曰。夬之大壯。動而震。姑洗之律。被於太簇。陽蔬怒生。不必滂陰。夬夬之羊。得其所求。於斯時也。贊陽出滯。考神納賓。因其大采。以修口德。則猶之中行也。故莫陸夬夬而蔬圃治。蔬圃治而嘉穀秀。詩曰。荼蓼朽止。黍稷彙止。言治小人者也。中原有菽。庶民采之。言治君子者也。莫陸之賤。不逮小人。其貴不逮君子。庸猥之材。與時俱榮。夬夬而用之。夬夬而去之。明昭之賜。則必有與者矣。夫以盛明之時。无登庸之業。博碩之薦。而試禴於莫陸者。亦各其宜。有道所不訾也。故曰。中行无咎。雖云大壯。則猶之中

行也。以大壯為中行。則是聖人舍其章佩也。

上六

夫之乾

夫揚于王庭。孚號有厲。告自邑。不利。即戎。利有攸往。

乾元亨利貞。

无號終有凶。

象曰。无號之凶。終不可長也。

正曰。夫而乾。何凶乎。易之觀夫。與其觀剝也。猶之臨遯。各徹其所終。故天道之長消。亦以是而夫。君子矣。故快心之事。君子之

所流涕也。无號終凶。鬼神之於小人。何謀乎。曰。王庭。孚號。亦欲不信於天下云耳。君子不以消長聽之。天道不以進退委之。國柄。乾乾夕惕。以圖其後。詩曰。藐藐昊天。無不克鞏。無忝皇祖。式救爾後。是乾元之所思永也。故孚號者。君子之不獲已也。



姤。女壯。勿用取女。

象曰。姤遇也。柔遇剛也。勿用取女。不可與長也。天地相遇。品物咸章也。剛遇中正。天下大行也。姤之時義大矣哉。

象曰。天下有風。姤。后以施命。誥四方。

正曰。是蕤賓之卦也。蕤賓之律。五十餘六。不可以損矣。不可以損而益之。益之彌壯。故易所不敢取也。然則樂有正間。姑洗蕤賓。猶之陽律也。而為女壯。何也。曰。從律則謂之陽律。從卦則謂之陰令矣。君子肅於陰令。以察夏至。謹其起居。無有不恪。節嗜慾。尚澹泊。屏息歛身。以待陰陽之自定。於是而有佚志怠色。則其蓄育不備。賦命苟薄。神人所酬。獻不從焉。詩曰。神之格思。不可度思。矧可射思。君子治其房闈。以棲神明。早服夜息。如御賓客。故姤之女壯。君子有所不取也。不取女壯。而施命誥四方者。何也。言室滿室。言堂滿堂。天下如家。安知四方。及其究也。以閉關獨復。

初六

姤之

姤女壯。勿用取女。

乾元亨利貞。

繫于金柅。貞吉。有攸往。見凶。羸豕孚蹢躅。

象曰。繫于金柅。柔道牽也。

正曰。金柅。乾也。羸豕。姤也。繫于乾。則姤不為政。孚于姤。則乾不為政矣。楚司馬子期欲以妾為內子。問左史倚相曰。吾有妾而愿欲笄之。其可乎。對曰。昔先大夫子囊違王之命。謚于夕。嗜芟子木。有羊饋而光芟。薦若子曰。違而道。穀陽豎愛子反之勞。而獻飲焉。以弊於鄢。芋尹申亥。從靈王之欲。以隕於乾谿。君子曰。從而逆。君子周旋。惟道之從。子木能違若。教之欲。而吾子欲薦芟。以干之。其可乎。故曰。金柅之繫。違而道乎。羸豕之孚。從而逆。貞吉。不往。則近於道者乎。

九二 姤之

姤女壯。勿用取女。

遯亨。小利貞。

包有魚。无咎。不利賓。

象曰。包有魚。義不及賓也。

正曰。包有魚。女子之祭也。女子尸祭。不及賓客。爵弁在門。不顧內厨。記曰。彼婦之口。可以出走。見女壯而思遯者。夫亦有伊微之心乎。詩曰。哲夫成城。哲婦傾城。哲婦則猶之包魚也。

九三 姤之

姤女壯。勿用取女。

訟有孚。窒惕中吉。終凶。利見大人。不利涉大川。

臀无膚。其行次且。厲无大咎。

象曰。其行次且。行未牽也。

正曰。女壯而知訟。則亦知厲矣。詩曰。誰生厲階。至今為梗。言夫婦舌之階厲也。君子於訟。以作事謀始。於歸妹。以永終知敝。而姤之訟。兼之。故次且之行。未為躊躇也。君子省於內德。足以制義。宥於外德。足以制惡。嫵婉之交。何國蔑有。包魚以訟。其中。靡系以訟。其初凶厲。以訟其終。則亦可以免咎矣。周室之興也。皆以姜任。其替也。皆以驪隗。夫豈姜任之女。蒙驪隗之女。壯乎。不有女壯。何以敵國。未之思也。夫何遠之有。

九四 姤之 巽正變象

姤。女壯。勿用取女。

巽。小亨利有攸往利見大人

包无魚起凶。

象曰无魚之凶遠民也。

正曰。女壯而乾孫重巽中命。婦人爲令。故包之有魚則猶內政也。包之无魚則外政也。艷妻煽於內。卿士應於外。從我公事而舍其蠶織。天下既敗則從此始矣。詩曰。敝笱在梁。其魚唯唯。齊子歸止。其從如水。故姤而行巽。君子之所惡也。春秋書公及夫人如齊。與夫人歸自齊。係于齊。是春秋之嚴也。春秋之不獲已也。亦猶之申命施

諸。使天下取則焉耳。

九五 姤之 鼎

姤。女壯。勿用取女。

鼎。元吉亨。

以杞包瓜。含章。有隕自天。

象曰。九五含章。中正也。有隕自天。志不舍命

也。

正曰。瓜易敗也。杞不易敗也。姤賤而鼎貴也。以其子貴其母。以其陽德養其陰節。以其不易敗。養其易敗者。故坤之含章。載謙以從其君。姤之含章。載鼎以從其夫。臣道

以得。妻道不失。詩曰。南有樛木。葛藟荒之。樂只君子。福履成之。故以樛木而繁葛藟。含章之義也。君子猶或知之。以福履而成。君子有隕之道也。君子則不之知也。君子體道以養萬物。使其陽節不既。陰節不危。以御臣妾。騶從各得其所。詩曰。瑟彼柞棫。民所燎矣。豈弟君子。神所勞矣。是姤之鼎之謂也。

上九

姤之

大過棟撓。利有攸往。亨。

姤其角。吝。无咎。


象曰。姤其角。上窮吝也。

正曰。姤之大過。過在勿取女者也。鹿之感陽。麋之感陰。時至而角解。角解而不交。君子遇窮而顛。顛而不復。遇吝則吝矣。失亦其時也。何咎之有。故大過之滅頂。與姤之姤角。其義不相遠也。時過而遇凶。與時遇而過吝。知命者不失其命。知性者不失其性。周公之誅管蔡。不以爲罪。夷齊之違明時。不以爲鄙。詩曰。天實爲之。謂之何哉。故大過之姤。與姤之大過。其要无咎。一也。其有獨立不懼。避世无悶之心乎。不然。何其詞之危而平也。夫姤。二陰之卦也。是宜在北政。而繫於南。政。何也。三才之等。六尺四寸。自四尺二寸。而入於下際。餘二尺二寸。以交於頂。蹀。故自乾坤。至於損益。腑臟之海。滙也。夫姤而下。剝復。至於損益。腑臟之海。滙也。夫姤而下。股膝。屈向。交於北政。故夫姤萃升。南北反。易。三才之等。九道之緯。於是可別矣。故易。

者。天人。之大辨也。天地之有夫婦。皇王升
 降。男女。遷化。世運不齊。皆繇此出。以夫婦
 而別。下際。以剝復。而別中身。兩濟乾坤。頂
 蹠。始終。規而圓之。一南一北。日月出入。鬼
 神。所行。十有三萬一千六百餘里。經緯陰
 陽。上下。終始。益亦猶是矣。故剝復。夫婦。聖
 人。所以。命鬼神。而別天地也。
 序卦傳曰。益而不已。必夫。故受之以夫。夫
 者。決也。決必有。所遇。故受之以婦。婦者。遇
 也。雜卦傳曰。婦。遇也。剛遇柔也。夫。決也。剛
 決柔也。君子。道長。小人。道憂也。是皆為。長
 夏之會也。唐武德甲申。始。人夫。限。是歲。六
 月。慶州。楊文幹。受甲於建。成。欲圖秦王。元
 武。門之。既。則。構於此也。又。明年。丙戌。秦王
 段建文。元吉。乃。即。帝位。上。皇。讓。居。北。宮。故
 為。王。季。與。泰。伯。子。臧。之。難。也。以。魏。徵。輔。建
 成。以。王。珪。教。魏。王。泰。而。皆。有。市。心。豈。時。會
 使。然。抑。人。謀。之。絀。乎。太。宗。既。納。馬。周。之。言。

置酒未央。奉觴上壽。頡利起舞。馮智戴詠
 詩。真古。今一時也。而內不能監。元武之事
 使。青雀。投懷。承乾。賈既。猶外。後。靈州之。伏
 遠。勒安。市之。師。故。為。帝。王。而。欲。絕。慾。以。談
 仁。義。非。堯。禹。不。能。矣。甲。寅。之。距。甲。申。正。三
 十。年。夫。姤。中。交。而。才。人。武。氏。始。為。昭。儀。放
 武。氏。入。宮。在。貞。觀。丁。酉。十。二。年。十。月。時。方
 十。四。距。永。徽。甲。寅。又。十。八。年。姤。女。已。壯。而
 施。誥。四。方。夫。古。人。亦。已。及。此。乎。疑。似。之。形
 殺。李。君。羨。故。讖。緯。之。書。君。子。之。所。絕。口。也
 雉。奴。柔。情。恐。不。克。終。文。皇。之。言。不。為。不。智
 而。天。鼓。其。波。水。沴。屢。作。在。廷。諸。臣。死。一。人
 議。其。始。者。及。雌。形。既。變。既。聚。已。翻。乃。叩。頭
 泣。血。以。明。不。可。使。李。勣。義。府。敬。宗。三。人。者
 推。刃。諸。李。幾。滅。唐。宗。豈。不。哀。乎。丙。辰。顯。慶
 而。後。尚。二。十。餘。年。包。魚。躅。豕。併。發。其。毒。醜
 廢。三。子。殺。十。二。王。朝。士。破。滅。者。幾。數。干。家
 雖。以。狄。仁。傑。婁。師。德。之。流。亦。含。妬。忍。恥。待

盡而已。談者以春秋姜氏不去夫人。謂臣
无挾君。以子去母之理。正當委曲以奉。雄
狐。栖遲而觀。敝笱。嗚呼。過矣。夫使文姜覆
魯之宗。敬。斃絕文之祀。卽三家諸子。亦有
起而殉之者。必以季孫行父公子遂爲百
世之模。亦不達於類矣。夫亦束於權勢。偷
日視陰。无繇從聖。
賢。問其沐浴也。



萃。亨。王假有廟。利見大人。亨。利貞。用大牲。吉。利
有攸往。

彖曰。萃聚也。順以說剛中而應。故聚也。王假
有廟。致孝亨也。利見大人。亨。聚以正也。用大

牲。吉。利有攸往。順天命也。觀其所聚而天地
萬物之情可見矣。

象曰。澤上於地。萃。君子以除戎器。戒不虞。

正曰。澤上有地。其象修文。地。上有澤。其象
修武。何也。澤上有地。則澤在地中。百流歸
之。人臨其上。以爲教。思容保。文德出焉。盛
明之時也。地。上有澤。則澤冒於地。百流泛
濫。人萃其間。以爲戎器。不虞武事。出焉。憂
危之時也。憂危之時。而爲假廟。用牲。何也。
是猶之明盛也。大衆所聚。不得禮樂。必有
戈矛。故羽籥干戚。兩者相爲救也。詩曰。瞻
彼洛矣。維水泱泱。君子至止。韉琫有珌。是
猶之盛明也。而韉韠鞞琫。及於君子。故俎
豆。軍旅。兩者亦相爲用也。及其究也。爲多
識。前言往行。以大畜德。

初六 萃之隨

萃亨。王假有廟。利見大人。亨利貞。用大牲吉。利

有攸往。

隨元亨利貞无咎。

有孚不終。乃亂乃萃。若號一握為笑。勿恤往。无

咎。

象曰。乃亂乃萃。其志亂也。

正曰。萃而隨。雖不為亂。其道足以亂矣。是非有終孚也。號笑焉耳。君子獨往不隨。丈夫獨行不隨。小子萃而隨人。何為者乎。故號者。喪志之事。往者。正行之道也。春秋之

會盟。何歲。蔑有其孚。而尋之。皆不終也。其號而隨之。皆亂也。魯僖公不服於齊。與衛莒盟於洮。又盟於向。齊人來伐。臧文仲病焉。欲以辭告。問於展禽。展禽以膏沐犒師。齊侯問曰。魯國恐乎。對曰。小人恐矣。君子則否。齊曰。何恃。曰。恃二先君之職業。昔成王命我文公及齊太公。曰。爾股肱周室。以夾輔先王。賜女土地。質以犧牲。世世子孫無相害也。恃此不恐。齊魯乃平。夫僖公則可謂亂隨也。文仲則可為號萃也。展喜則可謂勿恤而往也。夫無獨往之志。而以亂隨人者。是大眾所為。握笑也。

六二 萃之困

萃亨。王假有廟。利見大人。亨利貞。用大牲吉。利有攸往。

困。亨。貞。大人吉。无咎。有言不信。

引吉无咎。孚乃利用禴。

象曰。引吉无咎。中未變也。

正曰。萃而困。衆志乃固。薄物以祭。猶可以福。故衆困引吉。難以爲信也。而大人終信之者。憂患同恤。衆人之道。急病讓夷。君子之務也。魯饑。文仲請糴於齊。從者曰。君不命吾子。吾子請之。其爲選事乎。文仲曰。居官者當事不避難。在位者恤民之患。是以國家無違。今我不如齊。非急病也。在上不恤下。居官而惰。非事君也。乃以鬯圭及玉磬如齊。告糴。魯人賴之。稱之曰智。故引吉之義。未爲選事也。衆志所在。吾因而從之。雖困不殆。禴祭之與大牲。亦異物而同用也。若臧文仲者。利用禴矣。

六三 萃之咸

萃。亨。王假有廟。利見大人。亨。利貞。用大牲吉。利有攸往。

咸。亨。利貞。取女吉。

萃如嗟如。无攸利。往无咎。小吝。

象曰。往无咎。上巽也。

正曰。无咎而又何吝乎。謂其與衆同義也。衆應而衆應。合志於陰。無復正助。或告之。甌難。則相視與歎。以是爲吉凶。同患若。是龜著所不與也。故大牲禴祭。大人之所貴也。號呼咨嗟。則小人之事也。大師將動。既難且作。智不足以慮遠。義不足以用衆。而

泛之焉。與眾人同志者。若漢梁虎牢翟泉之會。皆是也。雖云无咎。吝必從之。詩曰。許人尤之。衆穉且狂。其萃之威之謂乎。

九四 萃之

萃亨。王假有廟。利見大人。亨利貞。用大牲吉。利有攸往。

比吉。原筮。元永貞。无咎。不寧方來。後夫凶。大吉无咎。

象曰。大吉无咎。位不當也。

正曰。萃之必有比。執也。比猶有不寧之虞。焉。比於上而得其信。比於下而得其順。則

是大吉也。情偽相攻。好惡相崎。琴瑟之專一。水水之相濟。則未之聽食也。夫當眾萃之時。大臣比附。以行威福。下有得眾之疑。上有震主之嫌。天子孤立。羣下不親。則亂矣。萃而比。則猶之從王也。從王而吉。何咎之有。吉日之詩曰。獸之所同。麀鹿麀麀。漆沮之從。天子之所車攻之詩曰。決拾既飲。乃矢既調。射夫既同。助我舉柴。夫是則萃之比者也。後夫之凶。其轅濤塗之謂乎。抑鄭伯首止之謂也。

九五 萃之

萃亨。王假有廟。利見大人。亨利貞。用大牲吉。利有攸往。

豫。利建侯行師。

易象圖

卷八

五

萃有位。无咎匪孚。元永貞悔亡。

象曰。萃有位。志未光也。

正曰。萃有位。何謂也。天子無故。以王人會於諸侯。諸侯有事會盟。而不朝於天子。故春秋無義戰。則亦無義會也。北杏陽穀之會。皆是也。葵丘之賜。昨陽樊之請。隧或貞或悔。則亦其志也。然且天下不信之者。古者天子受命。日觀四岳羣牧。班瑞于羣后。五載一巡狩。羣后肆朝。諸侯比年小聘。三年大聘。五年朝于天子。乃自相朝也。天子有事於羣后。命侯伯致討。錫以弓矢。事成而獻於天子。侯伯專征。不得自相命也。故萃者。天子之事。豫者侯伯之道也。天子有命。建侯行師。以討不庭。而征不服。則无所事。萃諸侯伯而謀之。諸侯伯自相萃而謀行師。則无所事。請命於天子。故萃之豫。非

所彰信於天下也。大德而永貞。猶可以伯否則以疆臣盟會。自教其下也。故比之原筮。豫之元永貞。萃之四五。皆用之。是天子諸侯之互相取也。救許城邢立衛。猶庶及此也。

上六 萃之否


萃亨。王假有廟。利見大人。亨。利貞。用大牲吉。利有攸往。

否之匪人。不利君子貞。大往小來。

齋咨涕洟。无咎。

象曰。齋咨涕洟。未安上也。

正曰萃咸之嗟如尚有小吝萃否之涕洟以爲无咎何也夫亦其時也知人之難古帝靳之災膏之著不虞間發萃而得否上下動色大衆齋嗟神將與謀故萃而謀泰飲食宴樂則是不可爲也萃而謀否齋咨涕洟則是可爲也抑戒之詩曰肆皇天弗尚如彼流泉無淪胥以亡風興夜寐灑掃廷內維民之章修爾車馬弓矢戎兵用戒戎作用邊蠻方故如衛武公則可謂知萃之否者矣沙隨平丘之會則亦不足以諱也



升元亨。用見大人。勿恤。南征吉。

彖曰柔以時升。巽而順剛中而應。是以大亨。

用見大人。勿恤。有慶也。南征吉。志行也。

象曰地中生木。升。君子以順德積小以高大。

正曰升猶似有恤者何也根伏於地陰揜於上二陽并進利在不蔽故似有恤也君子患德之不積不患不在高位樹藝拱把不見其益有時而長故考德論業稽古達務君子所爲高大也說命曰念終始典于學厥德修罔覺伊訓曰立愛惟親立敬惟長始于家邦終于四海夫以家邦之親長爲四海之敬愛非積學而能之乎君陳曰爾克敬典在德時乃罔不變允升于大猷其諸升之謂歟夫以繼長爲志以下位爲恥真小人之事也故升者順德用積不見其益惟天惟喬日月邁征及其究也以茂對時育萬物

初六升之泰

升元亨。利見大人。勿恤。南征吉。

泰小往大來。吉亨。

允升大吉。

象曰允升大吉。上合志也。

正曰升而泰允升大吉勿問之矣泰之麗於乾坤未有利者也而升與大畜其著者矣且臨之有憂何也憂夫已大者也天地之否泰託於人不託於時君子彙征小人屏跡則是道泰也甘言口諂長民日驕則是道憂也升之初六陰動而從陽嘉言則攸伏野無遺賢是當元愷之時也至於八士而僅乃再值夫逢是時而後言升不

六二亦已難乎謙升之

升元亨利見大人勿恤南征吉。

謙亨君子有終。

孚乃利用禴无咎。

象曰九二之孚有喜也。

正曰升而謙位高而下人善世而不伐益流福好之所歸也詩曰雖無旨酒雖無嘉穀雖無德與女晏嬰季孫行父趙衰范燮皆用之矣故禴者神明之所繇通也孚而用禴衆志以格神道以得三讓而升堂百拜而受享夫豈為福日免咎而已故曰致

讓存位非德之至者也。孚禴則庶乎可也。

九三升之師

升元亨利見大人勿恤南征吉。

師貞丈人吉无咎。

升虛邑。

象曰升虛邑无所疑也。

正曰升而得師眾志以歸為禮則有節為度則有制崇高以為志容蓄以為量是亦大人之道也故虛者邑之聚丘也升虛而望羣動瞭然以觀眾則得其辨以用眾則得其利伊尹之升隔衛侯之望楚則亦丈人之義也君子不恥下位而恥其德之不

足以辨物不樂高位而樂其道之足以濟眾升而師則亦庶乎當位矣當位而計何有疑之

六四升之恒

升元亨利見大人勿恤南征吉。

恒亨无咎利貞利有攸往。

王用亨于岐山吉无咎。

象曰王用亨于岐山順事也。

正曰升而恒未失常也君子順德象世不失頌曰天作高山太王荒之彼作矣文王康之荒則用升也康則用恒也以十五王之德服事五十年亦可謂恒矣岐山之亨

未為不順也。君子守其順德，以俟天命。拘繫之窮，不以為戚。弓矢之錫，不以為寵。詩曰：厥德不回，以受方國。又曰：豈弟君子，福不回。夫以文王之德，而一曰不回，再曰不回，則用亨。西山而僅得无咎，何為過乎？故以庸人之德，而翹非常之福，亦鬼神之所惡也。

六五

升之井變正象

升元亨利見大人勿恤南征吉。

井改邑不改井无喪无得往來井井汔至亦未

繙井羸其瓶凶。

貞吉升階。

象曰貞吉升階大得志也。

正曰升之井猶似有恤也。而大得志何也？曰泉動於下而澤升於上，雖繙雖羸而井德不暎。故井德者百世之務，羸羸者一朝之患也。君子患受德之无地，不患受福之有失。汲井以為養，升階以教讓，故小人樂其利。君子樂其志。詩曰：洞酌彼行潦，挹彼注兹。可以濯漑。行潦且然，而况於井德乎？故勞民勸相，有位者之敬事也。

上六

升之蠱

升元亨利見大人勿恤南征吉。

蠱元亨利涉大川先甲三日後甲三日。


冥升利于不息之貞。

象曰。冥升在上。消不富也。

正曰。物消於晝。而長於夜。日夜相息。而後
 不息者。見焉。草木冥升。則各有極也。聖人
 以其不息。綿其相息者。以其有極。而引於
 无極。亦曰。幹蠱貞甲。而已。先甲後甲。晝夜
 所以不息也。詩曰。天生烝民。其命靡諶。靡
 不有初。鮮克有終。抑戒之詩。曰。民之靡盈。
 誰夙知。而莫成。故蠱之利冥。升之利貞。性
 命之義也。體升以幹蠱。體貞以幹冥。積德
 之致也。夫不有道德。而談性命於消息之
 故。不已濶乎。
 萃升。二陽之卦也。是宜在南政。而繫於北
 政。南北別繫。是則視於夫姤矣。故南北二
 十。有。四。夫。姤。北。來。而。居。其。際。北。政。二。十。有。
 四。萃。升。南。來。而。居。其。際。夫。姤。萃。升。天。地。之。
 大。別。也。人。身。體。豎。豎。而。別。之。三。際。不。等。天。
 地。體。圓。分。其。重。卦。三。際。各。二。十。四。故。夫。姤。

萃升。別其離次。而日月出入。陰陽之道。繫
 可識矣。體豎頂蹀。交於咸恒。體圓腑臟。結
 於兩濟。園倚異用。而經緯如一。兩極之間。
 為天地心。日月距極。各六十七。每卦歲歷
 亦於此出。故曰。升降遷化。命歷之義。亦分
 著於此也。
 序卦傳曰。物相遇而後聚。故受之以萃。萃
 者聚也。聚而上者。謂之升。故受之以升。是
 何謂也。曰。亦各其遇而已。是猶未出姤也。
 長壽延載之間。歲在癸巳。是安金藏。剖心
 之歲也。又五載。戊戌。廬陵王始還東都。辛
 丑。還東宮。乙巳。正月。乃誅易之昌宗。冬十
 一月。武璽乃卒。以一鸞雉。濁亂朝廷者。五
 十年。狄婁姚魏。皆為宰相。俯仰其間。及武
 墨暮年。思子發夢。乃徐出數言。續安蘇之
 後。可恥也。魏元忠。手戕敬業。流涕凶門。釀
 韋氏之亂。揚三思之灰。而猶數騰輔頰。以
 居懋名。亦可哀也。觀於景龍。景雲之事。戎

器不虞。信難除矣。相王不監元武門之甃。蚩授江宗。使太平亂行。致有登樓之變。元宗又不監後漢之甃。輕用內侍。使力士擅權。遂開觀軍容之漸。自元年癸丑。至丁丑。二十四年。諸賢謝事。李林甫牛仙客為政。遂廢太子瑛。鄂王瑤。光王琚。以寵惠妃。又五年甲申。以安祿山節度范陽。明年是誦新臺之詩。又七八年。林甫乃死。國忠用事。又四年乙未。悉以蕃將代漢將。而祿山遂反。論者以祿山之反。國忠趣之。國忠不趣。山寧不反。不除不戒。戎禦乃大。且以謂男戎之甃。絀於女戎之甃也乎。丙申。祿山僭號。陷長安。天子從駕於扶風。太子即位於靈武。自鄭汜翟泉之後。无有也。天子至鳳翔。乃遣使祀張九齡。劉生曰。樊豐敗。而後祀楊震。宦者敗。而後祭陳竇。遼木敗。而後祀魏徵。祿山反。而後祭九齡。思之晚矣。然亦未為晚也。幸而鬼神善淫。祿山思明。數年之開。俱有子甃。上皇還蜀。居興慶宮。御樓瞻眺。李輔國因之。遂鼓唇舌。執轡西宮。憂生倉卒。蓋自元武門承天樓。與慶宮之事。三變矣。然且不至於篡弒。夫謂夫姤萃升。亦獲乾坤之用乎。乾坤之擁女甃。其敗如此也。乾主而坤臣。乾外而坤內。互相取也。



困亨。貞。大人吉。无咎。有言不信。

彖曰。困剛揜也。險以說。困而不失其所。亨。其惟君子乎。貞。大人吉。以剛中也。有言不信。尚口乃窮也。

象曰。澤无木困。君子以致命遂志。

正曰。澤无木。何也。水滙於澤。則謂之澤。澤决於水。則不謂之木也。澤决而水道赴壑。之智。勇於蹈險。君子以謂之致命。小人以謂之尚口。故言不見信。君子之所謂困也。君子畜德於中。不言於外。淺深莫測。清濁莫分。无所利於人。而天下信之。畜義於中。揚聲於外。獨行不疑。獨言不違。无所利於身。而天下疑之。故天下之得其理義者。鮮也。詩曰。土事敦我。政事一埤遺我。我入白也。室人交徧摧我。夫是則可謂困矣。羔裘如濡。洵直且侯。彼其之子。舍命不渝。夫是則可謂不失其所矣。困而不失其所。雖有危言。何畏之乎。然則致命遂志。何取之。漏澤也。曰。盛水則无澤。盛澤则无木。遂命則不見志。遂志則不見命。殺身成仁。或為之。殺人媚人。則不為矣。其究也。為明庶政。无

初六

困之

困。亨貞。大人吉。无咎。有言不信。

兌亨利貞

臀困于株木。入于幽谷。三歲不覿。

象曰。入于幽谷。幽不明也。

正曰。險而說。則是說險也。困初而剛動。不信而言。則眾以為樂。既矣。世有樂既之言。死有乎源。不可恃。流不可迅。上兌不塞。下兌立决。故當初用之時。雖有麗澤。君子猶以為不可也。何也。講習之言。亦大人所不事也。世而猶信麗澤之言。則君子之免於

困也久矣。詩曰。或以其酒。不以其漿。朝朝
佩璆。不以其長。故譬木人谷。君子有所未

九二 困之

困亨貞。大人吉。无咎。有言不信。

萃亨。王假有廟。利見大人。亨利貞。用大牲吉。利

有攸往。

困于酒食。朱紱方來。利用亨祀。征凶。无咎。

象曰。困于酒食。中有慶也。

正曰。困于酒食。用衆之義也。朱紱方來。假

外。各不言之。信也。大有方來之福。而有征凶
之。既。何為者乎。困而得衆。為上之所惡也。
上之惡下。專其名。下之違上。分其情。朱紱
方來。則未可知也。弊木入谷。則未可避也。
以不信之言。往嘗於上。則上以為動衆。造
譽。癯君者矣。詩曰。亦有和羹。既戒既平。醴
假無言。時靡有爭。用
此道也。鬼神聽之矣。

六三 困之

困亨貞。大人吉。无咎。有言不信。

大過棟撓。利有攸往。亨。

困于石。據于蒺藜。入于其宮。不見其妻。凶。

象曰。據于蒺藜。乘剛也。入于其宮。不見其妻。

不祥也

正曰困而棟撓棟撓而往何之乎君子當困有所不避也非所困而困則有所不為也困之大過已過矣而猶且往則是樂阨也古有樂阨而往者死有乎九侯之事是也君子正命以致其命正志以遂其志正之肯則猶之无妄委身以俟之然且君子无所懼悶也

九四

困之

困亨貞大人吉无咎有言不信

習坎有孚維心亨行有尚

來徐徐困于金車吝有終

象曰來徐徐志在下也雖不當位有與也

正曰金車徐徐坎未滿也吝有終心行尚也天下之可信者其維心乎習坎之言心易之所貴也君子當阨不求速去待命不求速至盈科而得其漸滿節而得其候雖有違言久而必從東山之詩曰我徂東山滔滔不歸我來自東零雨其濛如東山則可謂困於金車者矣

九五

困之

困亨貞大人吉无咎有言不信

解利西南无所往其來復吉有攸往夙吉

剝則困于赤紱乃徐有說利用祭祀

象曰剝刑志未得也乃徐有說以中直也利
用祭祀受福也。

正曰是困之解萬物甲折罪過之所繇免也罪過之生始於爵祿赤紱之與剝刑互相掣也赤紱不去剝刑不說夫欲不去其赤紱而說其剝刑此豈一日之誠而能之乎故澤水之决竭而困雷雨之合集而解史巫以通之神明以將之以為是得於祭祀者而聖人猶以是中直之為夫神明則中直之準也詩曰嗟爾君子無恆安息靖共爾位好是正直神之聽之介爾景福是

上六困之


困亨貞大人吉无咎有言不信

訟有孚窒惕中吉終凶利見大人不利涉大川

困于葛藟一臲臲曰動悔有悔征吉。

象曰困于葛藟未當也動悔有悔吉行也。

正曰困而訟則何當之有乎夫訟者所以為悔也世未有困而不訟訟而不悔者也葛藟臲臲皆生於訟訟窒惕中則臲臲可安葛藟可去矣然則困可以不訟乎曰已困矣又何訟乎使訟而見信則不如不訟之信也申子曰敬賢於請詩曰往來行言心焉數之蛇蛇碩言出自口矣巧言如簧顏之厚矣是猶未能至於無訟也。



井改邑不改井无喪无得往來井井汔至亦未

易象正 卷八
繻井羸其瓶凶

象曰巽乎水而上木。井。井養而不窮也。改邑不改井。乃以剛中也。汔至亦未繻井。未有功也。羸其瓶。是以凶也。

象曰木上有水。井。君子以勞民勸相。

正曰。觀於井。而知養民之勤也。井之閱瓶多矣。然而繻者不疑。羸者无怨。謂瓶可改而井不可改也。君子為憲布於象。魏時事或違。而更令易人。不為怪者。亦主於誘掖勸助而已矣。故謹於用人。慎於用法。君子之志也。用人而不終。用法而變更。君子之不獲已也。君子之敬慎。不敬慎於瓶。而敬慎於繻之者。故觀於繻井羸瓶。而後知懼

也。伊誥曰。終始慎厥與。惟明明后。夫以勞民勸相。而不慎於使令。奔走之臣。於以嗟歎。豈有極乎。詩曰。微子之故。使我不能餐。今言夫勞勸之不至者也。故井者勸勞之象也。井不廢爨。情不廢法。其究也。為明罰勅法。

初六

井之
需正變象

井。改邑不改井。无喪无得。往來井井。汔至亦未繻井。羸其瓶。凶。

需。有孚。光亨。貞吉。利涉大川。

井泥不食。舊井无禽。

象曰。井泥不食。下也。舊井无禽。時舍也。

正曰。夫裕於人者。不仰於天。足於已者。不待於物。水木之用。而雲雷之需。以待其時。其幾何。故瓶者井之禽也。泥下時舍。不甃不潔。則州里棄之矣。雖有羸瓶。不復集之。君子養人。時修其憲。強則抑之。弱則幹之。臯陶曰。念哉。率作典事。慎乃憲。欽哉。屢省乃成。欽哉。不食无禽。則是棄井也。以養民之時。而待棄井之功。不如號顛以仰之。雲雨矣。詩曰。池之竭矣。不云自頻。泉之竭矣。不云自中。言夫成憲之不省者也。

九二 井之蹇

井改邑不改井。无喪无得。往來井井。汔至亦未

繙井羸其瓶凶

蹇利西南不利 東北利見大人 貞吉。

井谷射鮒甕敝漏

象曰井谷射鮒无與也。

正曰。谷射甕敝。非蹇而何。故井者。所以修政也。蹇者。所以修德也。以德修政。故養者得其地。難者得所濟。蹇而方難。則必有旁漏四射。不任其事者矣。上不修德。下不任事。故多勞而鮮功。屢勸而罔濟。詩曰。天之方難。無然憲憲。天之方蹶。無然泄泄。憲憲泄泄。猶谷之射鮒。而甕之敝漏也。

九三 井之坎

井改邑不改井。无喪无得。往來井井。汔至亦未

繙井羸其瓶凶。

習坎有孚。維心亨。行有尚。

井渫不食。為我心恻。可用汲。王明並受其福。

象曰井渫不食。行恻也。求王明受福也。

正曰井有坎。萬物之所就養也。養賢及民。惟心而已。詩曰心乎愛矣。遐不謂矣。中心藏之。何日忘之。君子以養賢為心。使教事有習。德行有常。則明昭之賜。與天下共受之矣。渫者井也。汲者繙也。繙腐井深。谷射甕。敝雖有行人。洞酌莫從。故上不求賢。下不貢士。王者所致辟也。天下之不祥。則莫大於蔽賢者矣。舜舉十六族。而升於大位。季孫行父。逐一莠僕。而五世食福焉。王明並受。何疑之乎。周政曰。舉能其官。惟爾之能。稱匪其人。惟爾不任。是可以致汲者矣。

六四 井之

井改邑不改井。无喪无得。往來井井。汔至亦未

繙井羸其瓶凶。

大過棟撓利有攸往亨。

井甃无咎。

象曰井甃无咎。修井也。

正曰井而大過。有過於羸瓶者矣。羸瓶射。繙井敝必修。故疆界之辨。溝洫之設。明王之所致力也。君子之於養人。有過其事。倍其力。而猶為之者。若井谷而甃之。是也。古者徹田。徹田而後井之。井久必敝。敝必復修之。修之不復。而後以為阡陌。魚胾。以為

阡陌魚肚。而後量之。均之。執必不復。故先王之法。一故不修。必以所養人者害人。是則非井之過。而修井者之過也。故廢官舊職。先王之所審舉也。以為天廢而去之。必有人甌。書曰。股肱惰哉。萬事墮哉。言夫井改井之過。而不修井之過也。

九五

井之

井改邑不改井。无喪无得。往來井井。汔至亦未繙井。羸其瓶。凶。

升元亨。用見大人。勿恤。南征吉。

井冽寒泉食。

象曰。寒泉之食。中正也。

正曰。井而升。賢人得時。汔繙有功。夫當水堅之候。澗谷五陰。木泉不鳴。而井獨以是薦其寒泉。使喪者有所得。惻者可以食。夫非汔繙之能。而誰乎。齊得夷。吾於叔牙。秦得繇。余於蹇叔。楚得叔敖。於子文。皆非井之能。而繙之能也。伊訓曰。先王昧爽。丕顯坐。以待旦。有若先王之勤者乎。故曰。勞於求賢。而逸於致治。是先王所為勞勸也。

上六

井之

井改邑不改井。无喪无得。往來井井。汔至亦未

繙井。羸其瓶。凶。

巽小亨。利有攸往。利見大人。

井收勿幕。有孚元吉。

象曰：元吉在上，大成也。

正曰：井道之成，則莫如異矣。井之羸瓶，則不異之故也。下民之情，難於慮始，而可與樂成。井方渫而幕之，過者心惻，已汲而普之，行者共孚。故人主得一善人，行一善事，未嘗不與衆共其明福也。伊尹曰：非天私我有商，惟天祐于一德。非商求于下民，惟民歸于一德。詩曰：民之秉彜，好是懿德。故從民所好，天下亦好之。從民所惡，天下亦惡之。三詩所稱，豈弟樂只，无不從民者，則井而異之謂也。

困與井，三陽之卦也。從於南政，蓋自夫姤萃升，離次而外，復依其常，所以別經緯之素也。又自咸恒損益而來，於是三舍陰陽相從，各以其倫，困井之義，爲物已極，而後

天地變化，帝王鼎革，又從此始矣。

序卦傳曰：升而不已，必困，故受之以困。困乎上者，必反下，故受之以井。是何義也。曰：是亦近於道者也。易之爲君子慮也，憂以深，其於陰陽常嗟其往復。若物不可以久，居其所，益而不已，必決，是也。唐室之盛，至開元極矣，其爲甌，亦備古所希有。肅宗庚子，上皇旣入西內，壬寅遂崩，肅宗亦崩。李輔國遂弒張后，及越王係，代宗卽位，輔國已死，然亦稱中書令，博陸王，自童貫以前，僅有之也。代宗初年，聽僕固懷恩之策，以河北諸州付薛嵩、田承嗣、李懷儼，三賊帥而河北遂以不復。自是節使留後，紛紛相授矣。癸卯初年，吐蕃入寇，卽用播遷。元振夕放，朝恩晨舉，以爲李郭之才，不及魚程者，而又使元載、剛揜其後，舍容八年，乃克一決。終代宗十四載之內，无聞焉。德宗庚申六月，遂築奉天城，以建元之歲，爲尾遯。

之謀。諸節度漸尋于戈。不三年。朱滔田悅
 王武俊李納皆自稱王。朱泚迫長安。李希
 烈僭號。李懷光叛去。天子自奉天。再奔梁
 州。艱難崎嶇。而猶不知盧杞之奸。盧杞死
 而裴延齡用。白志貞竄。而竇文場霍鳴仙
 用。瓊林大盈散。而進奉官市開。賴李晟馬
 燧之力。以克還都邑。於李泌陸贄之言。未
 有所省改也。困曰。有言不信。以徽纒為朱
 綬。疾藜為金車。雖與元詔書。亦何以信於
 天下。順宗嬰疾。死。足紀者。憲宗之朝。有李
 絳裴垪李藩諸賢。皆識大體。通時務。裴度
 繼之。鄭清淮蔡。於是李師道奉表納質。王
 承宗復獻二州。曾不一年。驕侈生心。皇甫
 鏞程异以市井俗吏。躡居中書。裴度屢疏
 而上。指為朋黨。唐之朋黨。皆自憲宗右鏞
 异始也。而論者以為始於牛李對策。過矣。
 憲宗既崩。方鎮又亂。藩鎮之旤。蓋自代宗
 初年。終於憲宗末。載而稍一蘇。裴度疏云。
 淮西濫定。河北底寧。承宗斂手削地。韓宏
 與疾討賊。豈朝廷之力。能制其命哉。直以
 處置得宜。能服其心耳。危哉。是言也。微裴
 公。必以是設上居功者矣。大人維心。有言
 不信。裴度亦有焉。庚午辛未。李懷光反。上
 奔梁州。是困井之中交也。以用序。溯之。在
 漸歸之候。故睽家歸。漸夫。姤萃升。與唐室
 相終始也。然則謂井困者何也。是體卦圖
 序也。下經之辨。四著乾坤。晉得遯。夷首之
 以咸。唐得姤。萃。究之以困。至於鼎革。又自
 一限而唐祚訖。終然則憲宗之暴崩。死治
 之者乎。曰。當時不治之。則後世亦死得而
 治之也。


易象正卷之八終

[Faded text, likely bleed-through from the reverse side of the page]

易象正卷之九

漳浦黃道周輯

晉安鄭開極重訂



革。巳日乃孚。元亨利貞。悔亡。

彖曰。革。水火相息。二女同居。其志不相得。曰革。巳日乃孚。革而信之。文明以說。大亨以正。革而當。其悔乃亡。天地革而四時成。湯武革命。順乎天而應乎人。革之時大矣哉。
象曰。澤中有火。革。君子以治歷明時。

正曰。革以治歷明時。何也。曰。水火者。天地之大用也。日月星辰。統於水火。水火相澹。天地之所取鑑也。其用巳日。何也。易之尚柔也。甲巳乃合。其用十五。宵旦之中星。四十五日。而更次可別矣。然則睽不同行。而革不相得。何也。曰。睽行。而革居也。是小星所歎實命也。天道之與。存於治歷。人事之與。在於居室。然則湯武革命。何也。曰。是天人之總也。水火變動。而王者更政。曰。更政之與革命。則必有別矣。兩濟未終。澤火相湛。而遽曰革命。何也。王者无百世之運。千年之歷。道衰而遷。時過而化。雖王者不能自挽焉。自咸恒以來。三際八百一十九歲。雖有永歷。則亦巳革矣。書曰。天之歷數在汝躬。允執厥中。夫聖人則亦稽之歷數也。曰。是為準乎。夏四殷六。而各有損益。繼周而往。則不可知也。曰。觀其盛衰損益。則備可知矣。然則敬致平秩之非為農務乎。曰。

是為農務也。為農務而及於革政革命。何也。曰。君子之學也。有取之天道者。有取之人事者。夫以禪代征誅。為異於東作西成之事者。君子之治。非天聖人之治也。天聖人之治。其視革政革命。猶黍稷之播於原隰。刈獲之或銍或鎛也。乾坤之治。二百七十二年。而交於泰否。又三十九年。而中交當事。凡三百一十一年。不有大夫竊政。則有強諸侯方命。天子以之失其大柄。泰否之治。二百七十三年。而盡於隨蠱。遯三十二年。二百四十。而初交當事。凡二百四十二年。不有暴主勃興。則必有寇攘為政。天子以之改玉改姓。隨蠱之治。二百有四年。而交於剝復。又三十九年。而中交當事。凡二百四十二年。而戚畹為政。不有女主稱制。則必有外戚奸命。剝復之治。交於頤大過。百三十六年。而闔官用事。又六十八年。而盜賊四起。強臣從之。以為縱橫。復從是。

始咸恒而下。凡五六際。三百八十四年。交中交終。每三十二年。而口狄寇攘。亂子賊臣。以亂為餌。故生於其時。有伊呂之任。湯武之義。起而撥亂反正。雖天地不以為不順。堯舜不以為不躋也。故時者。天地聖人之所共游也。八體八交。八際八中。四災四立。聖人不能避之。聖人所恃者。兩克以劑。剛柔九德。以齊陰陽。先而合符。後而不違。若是而已。然則澤中有火。之果何義也。曰言夫金之從革者也。五運之革。金為其始。四九三。百六十年。九六七八。互相為合。各自三十五。九乘十五。亦百三十五。參而舉之。四百有九。火灼其中。二十有七。潤下炎。曲直稼穡。進退損益。各以從革為師。始也。君子惡夫主亂。而以緯為經。不惡夫主治。而以經為緯。然則是可為德行乎。曰明治順應焉。存而非德行也。堯舜湯武。則猶是五德之主也。故澤中有火。治曆明時之象也。觀星於水。明而後蒙。觀天於史。蒙而徐理。及其究也。為果行育德。

初九

咸 革之

革。巳日乃孚。元亨利貞。悔亡。

咸亨利貞。取女吉。

革用黃牛之革。

象曰：革用黃牛，不可以有為也。

正曰：革之。咸。利貞而虛。則是不可以有為也。方革之初。時物未動。天道向晦。日在星紀。家人為政。不及於國。故剛而柔用之。葆義以仁。緇勇以智。堅韞之。以而顛撲之。試是文王之始事也。然則相土公劉之皆有。事何也。曰是未進於革也。荒度遷國。受命

於君。而成之於家。亦猶之取女焉耳。故取女之吉。革者之所未試也。是亦天地之下際也。

六二 夬 革之

革。巳日乃孚。元亨利貞。悔亡。

夬。揚于王庭。孚號有厲。告自邑。不利即戎。利有攸往。

巳日乃革之。征吉。无咎。

象曰。巳日革之。行有嘉也。

且革矣。不利即戎。而曰征吉。何也。曰。巳日也。六二。一動。而應。柔。而

光。以用天下。不失臣節。弓矢斧鉞。猶是二庭之事也。詩曰。築城伊洳。作豐伊匹。非棘其欲。適追來孝。文王之告邑也。無陟我陵。我陵我阿。無飲我泉。我泉我池。文王之攸往也。文王无革命之事。而有受命之功。先觀兵之心。而有即戎之事。然且往而獲吉。動必牙咎。夫非聖人而能之乎。

九三 隨 革之

革。巳日乃孚。元亨利貞。悔亡。

隨。元亨利貞。无咎。

征凶。貞厲。革言三就。有孚。

象曰。革言三就。又何之矣。

正曰。革之隨時。可以革矣。是皆有乾德也。然且不時不革。故革道之難成也。金在於上。火在於下。用力不倍。體質不變。革之隨火而益以木。則其執必革矣。故革之與鼎相倚為用。困之與井。相緣為體。二者家人之所成務也。王者致祀。朝夕嶽瀆。自卿大夫而下。及於井竈。各省其象。以致養萬物。隨而變化。鼓舞不倦。夫无三就之言。而希一革之效。猶以灼火。而灸巨鑊。其无當也審矣。詩曰。瑟彼柞械。民所燎矣。言夫革而將就者也。樵彼桑薪。印烘于煤。言夫革而未就者也。革之去故。難言矣哉。

九四

革之既濟變正象

革。巳日乃孚。元亨利貞。悔亡。

既濟亨。小利貞。初吉終亂。

悔亡。有孚。改命吉。

象曰。改命之吉。信志也。

正曰。改命。言夫從革者也。金從於澤。革而既濟。則猶之澤也。然而巳革矣。故謂之改命。言革而既濟者也。夫既濟。則猶未當位也。而謂之改命。何也。曰。以言其道。則天人皆應矣。然則文考之受命。亦遂改。玉乎。曰。是猶之改命也。三誓之稱文考。則猶未王也。未王而稱曾孫。告於名山大川。何也。曰。是武成之詞也。柴望而大告。以命庶邦家君。以暨百工。故曰。惟先王建邦啓土。公劉克篤前烈。至于太王。肇基王迹。王季其勤王家。文王之未改命。亦猶太王。王季之未改命也。而猶皆王之故。曰。以言其道。則天人皆應矣。然則楚之改命也。孰亂之。曰。楚則自亂。非夫周亂之也。然且以為亂命。故

改命者聖人
之所慎也。

九五 革之

革。巳日乃孚。元亨利貞。悔亡。

豐亨。王假之。勿憂。宜日中。

大人虎變。未占有孚。

象曰。大人虎變。其文炳也。

正曰。夫以文德而成武功。非大人而能之乎。龍見之大人。於是則未有優劣也。夫是則剛日也。而曰未占。何也。曰陽德之用。而陰德之制。三甲三庚。則俱自此始也。豐亨之憂。勿問之矣。然則文王之於崇密。大禹之於有苗。亦无所優劣乎。曰三旬之格。因

壘之降。亦何所優劣之有。然則湯武之於黃虞。其猶之乾革。歟。乾革之有德威。天地之大用也。大火之為明堂。降婁之為世室。天地皆用之。然而天地不以是易次。

上六 革之

革。巳日乃孚。元亨利貞。悔亡。

同人于野。亨利。涉大川。利君子貞。

君子豹變。小人革面。征凶。居貞吉。

象曰。君子豹變。其文蔚也。小人革面。順以從君也。

正曰。易之為道。五行各兩。震離皆火也。乾兌皆金也。革之九三。以震火而革兌金。三

就乃孚。革之上六。以離火而革乾金。革面而已。故甚哉革道之難也。以鳴條之勳。而退有慙德。以妹土之監。而屢迪不靖。多士曰。爾尚寧幹止。爾克敬。天惟畀矜爾。爾不克敬。爾不啻不有爾土。予亦致天之罰于爾躬。然則周公其猶之豹變歟。曰多士則猶之商金也。然則保衡之於周公。亦有優劣歟。曰夏德世衰也。殷德世盛也。受罪浮桀。武德光湯。繇是而推。伊周之文。槩可知矣。



鼎元吉亨。

彖曰。鼎象也。以木巽火。亨飪也。聖人亨以享上帝。而大亨以養聖賢。巽而耳目聰明。柔進而上行。得中而應乎剛。是以元亨。

象曰。木上有火。鼎君子以正位凝命。

正曰。東南者。火木之交也。鬼神之正。向在於東南。人生之資用。木處其七。木巽於水。以出水。謂之井。木巽於火。以納火。謂之鼎。井鼎兩者。以前民用。然而井不如鼎之貴也。鼎巽而耳目聰明。用專而位尊。家人。竈也。鼎之託於家人。猶子之託於妾也。甚矣易之細也。震亦稱木。而雷火宅焉。屯與噬嗑。聖人用之以平獄市。不用之以理家政。故聖人之治家國。則必自鼎始矣。下巽而上明。剛柔交而通。變熟而薦薪。則必繇此也。詩曰。維筐及筥。維錡及釜。內子之治也。自堂徂基。自羊徂牛。天子之治也。故正位凝命。取象於鼎。鼎者貴足而尊耳。貴體而尊用。鬼神所依。接於乾坤。其究也以經綸。

初六 鼎之大有

鼎元吉亨

大有元亨

鼎顛趾利出否得妾以其子无咎

象曰鼎顛趾未悖也利出否以從貴也

正曰是兩元亨也道未有貴於此者也以其在下而謂之趾謂之妾然而位命係焉賤為貴基下為高柄世未有生而貴者也顛趾以去故得子以取新揚休凝命則必始於此矣夫休命之事而可使妾子與之乎口其象也言夫棄賤而取貴者也舍其舊甑而薦其新烹則聖賢樂從然則母以子貴道歟曰道也有元子則趾不顛无元

子則趾顛顛趾而得元子亦天所上祐也

九二 鼎之旅

鼎元吉亨

旅小亨旅貞吉

鼎有實我仇有疾不我能即吉

象曰鼎有實慎所之也我仇有疾終无尤也

正曰鼎而旅則亦不處矣耳足以聽足足以遷而守其故處不遠不舉則是怨主也申生之將伐霍士為謂申生曰太子不得立矣克與不克無所避辜與其不入不如逃之為吳太伯不亦可乎夫申生則无所逃疾也及重耳出亡至於柏谷卜適齊楚

狐偃曰無卜焉。齊楚遠而望奢，道遠難通，望奢難及。不如翟也。夫翟近晉而不通，愚陋而多怨，可以竄惡，可以共憂。今若休憂於翟，以觀諸侯，其無不成。乃遂之翟也。明年夷吾亦欲奔翟，冀芮曰不可。後出同走，不免於罪。且夫借出借入難聚，居異情惡，不如走梁。梁近於秦，秦吾親也。驪姬懼秦，必將求子，故重耳之奔翟，夷吾之奔梁，則皆慎所之也。然而夷吾不如重耳之實也。夷吾愛國，重耳仁親。愛國者圖聚，仁親者永年。故曰夷吾不如重耳之實也。

九三

鼎之未濟

鼎元吉亨

未濟亨。小狐汔濟，濡其尾，无攸利。

鼎耳革，其行塞，雉膏不食，方雨虧悔，終吉。

象曰：鼎耳革，失其義也。

正曰：鼎之未濟，尚可以濟也。公子重耳在翟十二年矣，乃適齊楚，乞食於五鹿，困於衛，辱於曹，危於鄭，去於齊楚，乃始入秦。秦者，晉之雉膏也。重耳不先主秦，秦之不先置重耳，鼎耳之革塞也。重耳之終主秦，秦之終置重耳，方雨之虧悔也。齊桓將沒，秦穆乃霸。九年之勳，晉文嗣興，是皆天也。惠懷之不終，誰實尸之？國人之誦曰：威兮懷兮，各聚所有，以待所歸兮。倚兮違兮，心之哀兮。歲之二七，其靡有微兮。若翟公子，吾是之依兮。鎮撫國家，為王妃兮。故小狐濡尾，惠懷之事，兩虧終吉。重耳之道也。

九四

鼎之蠱

易象正

卷九

九

鼎元吉亨。

蠱元亨利涉大川先甲三日後甲三日

鼎折足覆公餗其形渥凶。

象曰覆公餗信如何也。

正曰鼎之蠱鼎新而蠱壞也物有取新之得壞者无有乎先甲之辛後甲之丁亦古人之所兼取也遲任有言曰人惟求舊器非求舊惟新世亦有樂用新器而敗者矣詩曰不愆不忘率絲舊章無怨無惡率絲羣匹以新人而操新法以新法而恣新人先後失宜涉險而圖之其不覆餗者幾乎故覆餗有凶非獨鼎足之咎而主鼎足者之咎也詩曰雖無老成人尚有典刑夫以覆餗而咎鼎足不如以典刑而幹物蠱之當也故觀於蠱俗鼎折之間而先王所用人政蓋可知矣。

九五 鼎之姤

鼎元吉亨。

姤女壯勿用取女。

鼎黃耳金鉉利貞。

象曰鼎黃耳中以爲實也。

正曰鼎之姤鼎有所遇實動於中而行有所之夫非以養聖賢則在郊祀之前矣夫世之爲亨飪來者不皆聖賢也以利祿養人則利祿之士從之君子之爲鼎鉉精質以堅以舉百物不失其任以變百物不失其節故爲上則耳不革爲下則足不折上

不驕而下不諂。則亦此道也。詩曰：無然畔援。無然歆羨。誕先登于岸。夫以鼎之時。而有歆羨畔援之心。其去折足幾何。故黃耳金鉉。鼎所致其貞令也。

上九 鼎之

鼎元吉亨。

恒亨。无咎利貞。利有攸往。

鼎玉鉉。大吉无不利。

鼎象曰。玉鉉在上剛柔節也。

正曰。金鉉鼎之所為質也。玉鉉鼎之所為文也。天道之革。一文一質。質濟以文。虎豹金玉。遞為令也。故鼎而有所遇。則必金鉉矣。金鉉屢遷。不失其居。鼎而存其恒。則必


玉鉉矣。玉鉉成之。不失其常。故藟粟之用。玉鉉之貴。性醴之設。黃耳之致。天地之於聖賢。交相致也。故曰。質極而文。又極反質。非天地聖賢。所共為令也。詩曰。追琢其章。金玉其相。勉勉我王。綱紀四方。淇澳之詩。曰。如金如錫。如圭如璧。夫非質有文武之主。而能如此乎。

革鼎。二陰之卦也。繫於北政。自夬姤萃升。南北互反。故為困井以調之。調之而後鼎。革乃著矣。自屯蒙至鼎。革。二十四卦。而後對化相遇。然則亦有不假二十四限。而遇者乎。无之。需訟之於晉。明夷已遠矣。十六限而已交。故鼎革之歷。君子之所不治也。其不治何也。湯武值之。而得湯武。莽操治之。而得莽操。裕温治之。而得裕温。則是君子可以不治也。夫不曰。歷數執中。舜禹常治之乎。舜禹之事。三千年不得一遇也。君子謹其近者。以甚其遠者。然則治歷明時。


何也。曰行藏隱現之所從稟也。堯舜不可
 遇。湯武不可事。樂而行之。憂而違之。幸而
 當其中。持扶危扶傾。則賢者之務也。不幸
 而值其末際。雲泉巖石。足以自老。麟鳳之
 趾。胡為乎來哉。然則大際之潤。或數百年
 近者。六七十載。人生上壽。不過百歲。安取
 而量之。曰皆於其中際也。而見夫一丈之
 木。不足以植八尺之表者乎。

序卦傳曰。非道不可以不革。故受之以革。
 革物者莫若鼎。或授之以鼎。敬宗二年丙
 午冬十二月。宦官劉克明等。弒上於內堂。
 立絳王悟。宦官王守澄。又討克明。殺悟。立
 江王涵。明年丁未。則革之初限也。文宗初
 立。內憤宦官。與宋申錫謀。清禁闥。謀泄而
 申錫坐誅。諸閹愈肆。李訓。鄭注。起於布衣。
 佞守澄。以誅陳宏志。又附仇士良。以誅王
 守澄。甘露之變。使二相駢首。南衙屏息。以
 聽北司。劉從諫。再疏。天子賴以自彊。龍紀

大順之亂。備北於此矣。文宗既崩。成美坐
 廢。武宗以英毅之姿。乘權三載。未敢去仇
 士良。然用李德裕。討昭德。鎮撫河北。不用
 監軍。差有可觀者。宣宗初立。克復河湟。大
 中之治。以明察稱。而卻裴休之論。不立東
 宮。使王宗實抵巇。再行擁立。懿宗優柔荒
 晏。委政路巖。醉心梵丈。十四年中。无一善
 狀。自武宗以來。二三十年。藩鎮降心。宦官
 變屈。令有賢明之主。考慎其相。復貞觀之
 治。唐祚可延也。數窮理極。鼎波將沸。乾符
 之元年。王仙芝亂於長垣。明年田令孜為
 中尉。明年黃巢亂於曹州。又明年大同軍
 亂於沙陁。劉巨容欲留賊為資。高千里以
 風痺施力。遂使巢犯長安。上走興元。李克
 用起於沙陁。朱全忠出於降寇。均之臣口
 而克用有破巢之勳。全忠開援弓之釁。朝
 廷不為別白。強任調停。而田令孜。又以鹽
 鐵私攬重榮。使朱玫。李昌符。共攻河中。於



是烽煙四合。芝蕝共焚矣。僖宗再至興元。朱玫遂立襄熅。微克用移檄討玫。則天子不還長安。昭宗之立。李克用未封。而朱全忠為東平王。張濬孔緯以吮墨書生。欲與克用交。梓於戎馬之下。使五節度。縱橫不可復制。楊田諸閹雖殄。而李茂貞毒燄甚於王行瑜。韓建劉季述。殺十六宅王。天子遂不敢問。劉季述誅。而韓全海起。敝瓜一皮。百犬共嗥。可歎也。李茂貞朱全忠既蕩洗秦關。遂自相併。全忠坐大。克用獨在晉陽。死匡復之策。但云朝廷不欲克用入都。亦豈有召陵之意。城濮之業乎。唐取天下於隋。所克敵最多。及其未造。狗鼠之匹。盡為羣雄。裴監切艾之謀。初起宮掖。而閹宦縱橫。亦極前代。故觀唐室陵遲之故。自袁董而下。催汜而上。死毒不如猶且遷延二十餘年。允五代兩晉之事。或云是沙陀之威。不知為文皇之烈也。鼎革之際。危矣哉。然則鼎革中交。在宣懿之際。尤甚凶醜者何也。曰宣宗臨崩。以夔王滋屬王歸長。恐中尉王宗實異論。出為淮南監軍。及王宗實入辭。見上已崩。遂殺歸長。及夔王迎。鄆王灌立之。以義則正。以辭則順。立嫡奉長。出一中尉之手。舉朝无敢問者。蓋唐室歷朝。立愛立少之疹。於是始創。而中尉為之見標。天道昭然。安可誣也。



震亨。震來虩虩。笑言啞啞。震驚百里。不喪匕鬯。象曰。震亨。震來虩虩。恐致福也。笑言啞啞。後有則也。震驚百里。驚遠而懼邇也。出可以守宗廟社稷。以為祭主也。

象曰。洊雷震。君子以恐懼修省。

正曰。主器者。莫若長子。聖人所救。顛趾也。夫有家國者。其多憂患乎。桑土之不時。風雨之不宜。則君子是求。而君子者。又有愛惡攻取。以集於多凶多懼之地。故虢虢震驚。君子猶之飲食也。召誥曰。王敬作所。不可不敬德。我不敢知。曰。有夏服天命。惟不監于有殷。我不敢知。曰。有夏。亦不可不歷年。我不敢知。曰。不其延。惟不敬厥德。乃早墜厥命。我不敢知。曰。有殷受天命。惟不歷年。我不敢知。曰。不其延。惟不敬厥德。乃早墜厥命。夫以夏殷。歷祀而皆曰。早墜不延。以周召之智。而皆曰。不敢知。古人之恐懼修省。有如此者。故震者。恐懼修省之象也。恐懼修省。莫如止思其究也。以思不出其位。

初九

豫震之

震亨。震來虩虩。笑言啞啞。震驚百里。不喪匕鬯。豫。利建侯行師。

震來虩虩。後笑言啞啞。吉。

象曰。震來虩虩。恐致福也。笑言啞啞。後有則也。

正曰。小心翼翼。夙戒之治也。震來虩虩。臨事之致也。泰誓曰。罔或無畏。寧執非敵。是震豫之事也。然則文王之赫怒。非歟。曰。戒懼。以作其智。赫怒。以作其勇。怒。非天道。則不敢用也。然則武王猶之人事歟。曰。上帝臨女。無貳女心。則猶之天道也。君子居常

不失戰栗。臨事不失整暇。宴至如齋。豫來如敵。先震而後笑。母亦有衆人之心乎。曰聖人亦猶之衆人之心也。

六二 震之歸妹

震亨。震來虩虩。笑言啞啞。震驚百里。不喪匕鬯。

歸妹。征凶。无攸利。

震來厲。億喪貝。躋于九陵。勿逐。七日得。

象曰：震來厲。乘剛也。

正曰：震厲而尚可避乎。震厲而尚可避。非寇則媿而已。躋于九陵。明也。勿逐七日。恕也。明以恕。君子所化。疆禦也。君子幸而不當。明夷與困之事。一朝之懼。七日之患。勿逐之矣。大君之厲。報以身。小人之厲。報以貝。鬪媿之凶。勿往焉耳。諺曰：佐饗者嘗。佐鬪者傷。九陵七日。未為遠也。知敝永終。又安有億貝之心乎。

六三 震之豐

震亨。震來虩虩。笑言啞啞。震驚百里。不喪匕鬯。

豐亨。王假之。勿憂。宜日中。

震蘇蘇。震行无眚。

象曰：震蘇蘇。位不當也。

正曰：震之豐。勿憂之矣。震之厲行。非以為眚也。有道刑戮。不及君子。清明震厲。不及善人。震之蘇蘇。萬物之所繇生也。夫使天地。以雷霆為眚於天下。則萬物之殄絕久矣。

矣。故刑戮者。天地之正令也。以正令。則民皆敬。以青令。則民皆疑。以天地之尊。鬼神為政。雷霆不時。則天地自為不祥之令。而况於王者乎。况於聖人乎。周書曰。受王嘉師。監于茲祥刑。是震而豐之道也。

九四 震之復

震亨。震來虩虩。笑言啞啞。震驚百里。不喪匕鬯。復亨。出入无疾。朋來无咎。反復其道。七日來復。利有攸往。

震遂泥。

象曰。震遂泥。未光也。

正曰。震而復。則遂已復矣。正而震。則是可震也。震而青。則是不可復也。不可復。而震之。則不如其復之也。九四之泥。何居乎。上有柔主。下有彊相。威戮屢試。霖雨不作。震而遂泥。不失為智也。然則君子之修省。亦可中止乎。曰。君子之修省。若將終身也。天地震怒。不能終日。夫使聖人在上。風雨以時。百物啓蟄。雖无疾雷震電。猶未謂之底滯也。故震遂泥。道猶未光。君子无譏焉耳。

六五 震之隨

震亨。震來虩虩。笑言啞啞。震驚百里。不喪匕鬯。隨。元亨利貞。无咎。震。往來厲。億无喪。有事。

象曰震往來厲危行也其事在中大无喪也

正曰以震懼之時而向晦宴息其可乎曰
奚不可之有多動者所為多喪无事者所
為有事也雷動而澤行上柔而物悅與物
同憂與時俱休其說在市南宜僚之答白
公晏子之答崔杼也詩曰無將大車維塵
雖兮無思百憂祇自重兮夫震厲者億度
智慮之所從出也然或以億度而得之億
度而失之故億度者古人所不貴也然則
歸妹有喪而隨无喪何也曰五崇而二卑
也崇少喪而卑多喪崇有事而卑无事崇
往而卑來夫亦
各隨其時而已

上六

震之
噬嗑


震亨震來虩虩笑言啞啞震驚百里不喪匕鬯

噬嗑亨利用獄

震索索視矍矍征凶震不于其躬于其隣无咎
婚媾有言

象曰震索索中未得也雖凶无咎畏隣戒也

正曰于其隣何也非正位也婚媾有言何
也連也夫噬嗑之震身在于法雖戒而无
及震之噬嗑戒修於隣雖懼而不害懷刑
君子則亦育衰世之慮也夫衰世之刑離
於正位者則亦鮮矣詩曰有兔爰爰雉離
于羅雷霆之下无有聰聰震電之旁无有
正視責較耳以聰聰繩震目以正視夫為
耳目者不亦難乎詩曰謂天蓋高不敢不
跼謂地蓋厚不敢不踏維號斯言有倫有
脊其震上六之謂乎



艮其背不獲其身行其庭不見其人无咎

象曰艮止也時止則止時行則行動靜不失其時其道光明艮其止止其所也上下敵應不相與也是以不獲其身行其庭不見其人无咎也

象曰兼山艮君子以思不出其位

正曰震之有億艮之有思夫非猶有其身乎。有其身則見其人。見其人而後敵應隨之。動靜行止是非得喪相觸互起而其正位不復可辨矣。故身之正位在於心。此億

得億喪不快危薰者皆心也言心而身之正位見焉。心之正位不在於身。此億得億喪不快危薰者皆非心也。言身而心之正位不可得而見焉。不可得而見則思思而後知思出於无思復還於无思。趾腓限夤身輔動而億之皆身靜而思之亦皆心也。靜而億之皆我動而思之亦皆人也。夫知思之出於无思復還於无思者吾與之言思之位矣。詩曰於緝熙敬止為人君止於仁為人臣止於敬為人父止於慈為人子止於孝與國人交止於信。亦曰不出位而已。不出位則得心所為正位者矣。故艮者思不出位之象也。思不出位莫如修省其究也以恐懼修省

初六 艮之

艮其背不獲其身行其庭不見其人无咎

易象

卷九

六

賁亨。小利有攸往。

艮其趾。无咎。利永貞。

象曰。艮其趾。未失正也。

正曰賁。動者也。艮之賁。可以制動矣。而猶恐其終動也。謂其以行為事也。艮其趾。不行矣。不行而能不見其人乎。曰。未之知也。世之見人者。非趾也。世固有不行其庭。常見其人者矣。然則永貞如何。曰。守正而已矣。易之於趾也。於是五申之矣。噬嗑。貴。咸。大壯。夫。皆是也。夫以趾命趾。不如以趾命身之為止也。詩曰。折柳樊圃。狂夫瞿瞿。又曰。無已太康。職思其居。夫猶是以趾命趾者乎。

六二 艮之

艮其背。不獲其身。行其庭。不見其人。无咎。

蠱。元亨。利涉大川。先甲三日。後甲三日。

艮其腓。不拯其隨。其心不快。

象曰。不拯其隨。未退聽也。

正曰。物未有止而不壞者。止而蠱。兩甲申令。庶可以免矣。然且為之不快。故乾乾者。君子飭躬之事。止者。君子明心之務也。腓。止而隨動。腓。不制隨。心不制。腓。動。止。相。資。而後蠱生焉。先甲。以辛之。後甲。以丁之。則亦庶可以止矣。詩曰。民莫不逸。我獨不敢休。天命不徹。我不敢傲。我友自逸。无逸之與。知止。同義也。是聖人之有事。與无事者。同智也。必以无事為止。則是以流水。戶。樞。神明於天地也。是兩甲所不取也。

九三 艮之剝

艮其背。不獲其身。行其庭。不見其人。无咎。

剝不利。有攸往。

艮其限。列其夤。厲薰心。

象曰：艮其限，危薰心也。

正曰：屈伸者，天地之奧府也。限，夤之間。屈伸所生，形以之動，神以之靜，體以之懃，心以之佚。艮，限列夤，則是為厲也。然則是貴動也。動而曰艮，列何也。曰：是動而剝者也。剝而後不動者，生焉。上下之間，或失之柔而矯之，以剛矯以剛，而不可復柔，則肺腑之鬱，臭達於心，繫故以彊介任事，責其卿大夫而勢極不反者，亦猶之艮列也。詩曰：

寬兮綽兮，猗重較兮。善戲謔兮，不為虐兮。言夫善動而得屈伸之故者也。

六四 艮之旅

艮其背。不獲其身。行其庭。不見其人。无咎。

旅。小亨。旅貞吉。

艮其身。无咎。

象曰：艮其身，止諸躬也。

正曰：旅，不處者也。不處而謂之止，何也。心託於身，猶旅之載道也。存則居焉，過則去焉。與其止於樂餌，不若止於不樂餌者也。艮之旅，夫以為是形氣動者，皆旅也。天下之稱主人者，惟心而已。心被於天下，則天下皆主也。游於天下，則天下皆旅也。七天

之骸。萬里之舍。神明所經。客於晝夜。詩曰。蟬蛸掘閱。麻衣如雪。心之憂矣。於我歸說。言夫旅而不知其主也。旅而知其主。則止可以行。行可以止。故知行之非旅。止之非主者。吾與之。言行止矣。

六五 艮之漸

艮其背。不獲其身。行其庭。不見其人。无咎。

漸女歸吉。利貞。

艮其輔。言有序。悔亡。

象曰：艮其輔以中正也。

正曰：漸。物之序也。水以漸行。山以漸升。鴻以漸飛。女以漸歸。君子之為行也。先此而後彼。其為言也。先人而後已。故知君子之為言者。可以遺身而行人矣。古之君子。登於介丘。必祀其輔。或於亭云。或於梁甫。故體峻者不營。宅高者不勞。詩曰：訏謨定命。遠猶辰告。夫有訏謨而无定命。有遠猶而无辰告。亦猶介丘之不可登。登之不可止也。記曰：天降時雨。山川出雲。言者思之。雲也。雲象於山。言象於思。知思之所從出。則知思之所從歸。知思之所從歸。則知言與不言所為位者矣。

上九 艮之謙

艮其背。不獲其身。行其庭。不見其人。无咎。

詠亨。君子有終。

敦艮吉。

象曰敦艮之吉以厚終也

正曰天下之言艮背者其惟謙乎俯而僂
僂而止以是觀背何身之有以是行庭何
人之有故北堂无身不為幽也前庭无
不為聞也謙謙而行得所究也故謙者敦
艮之道也天下之言厚終者則必惟謙也
堂深而後神棲焉庭寂而後精交焉詩曰
噲噲其正噦噦其冥君子攸寧故艮而謙
禮樂之所從出也禮樂有萬艮謙為上故
知艮之謙者雖祀上帝亨岐山而登明堂
則必繇此也

震艮二陽之卦也繫於南政一陽競長而
豪臣立主是猶在中國也而手足交亂上
下反易是寧愈於頤頤乎口猶之頤頤也
而頤共一姓上下反復不離其宗又有地
道載持其間妖孽之興至婦寺極矣震艮
則兩體競治也以用卦乘之猶在萃升之


限則震艮操柄萃升用事矣自咸恒來者
五卦值於鼎革鼎革會於震艮而天下易
命罔其所也

序卦傳曰主器者莫若長子故授之以震
震者動也物不可以終動止之故授之以
艮艮者止也是謂立嫡之義乎曰亦言乎
主器者耳長少何常一反一復惟天所置
是天地之所以亂也乾寧之甲寅昭宗誅
楊復恭藉韓建李茂貞之力明年王寅瑜
韓建李茂貞犯闕殺韋昭度李谿於是李
克用入討三鎮上自石門復還長安封李
克用為晉王是則李克用震者也克用震
則全忠艮全忠得為艮乎曰克用動而全
忠止之則艮也時克用屯渭北李茂貞
韓建事朝廷陽恭朝廷慮以克用討茂貞
則克用愈熾調停息兵克用還晉陽而茂
貞犯闕上如華州再還長安而有少陽院
之事崔胤為相外倚全忠內倚茂貞盡誅

諸宦官為先朝報仇亦无益於事既而身
 沒國喪徒啓白馬之駝絲是而觀即前留
 晉陽鎮壓朱李事成功定稽首以讓沙陀
 未有頓挫生靈至於此極也甲子全忠既
 殺崔胤丁卯遂稱帝明年克用卒全忠即
 畏克用亦不過歲朔之間耳又五年而全
 忠亦有子禍與祿山思明爭烈又十二年
 存勗始稱帝於魏州當吳蜀勸進之時存
 勗謂諸將曰先王語余昔天了幸石門吾
 發兵討賊威振天下當時若挾天子據關
 中自作九錫禪文誰能禦我但吾家世忠
 孝立功帝室誓死不為耳他日當以復唐
 社稷為心慎勿効此曹所為言猶在耳何
 可忘也夫忠孝之種寧獨邁於戎口乎同
 光元年莊宗遂滅梁明年又以宦官為諸
 司使監軍既又以伶人為刺史卒以三矢
 殉於樂器之骸故天下神器非一將之任
 也嗣源繼起稍變口習自云某本口人因

亂見推願天蚤生聖人孳生民主明宗八
 年閔帝初立從珂又起馮道以八年宰相
 望塵勸進曾不數年又為石晉平章石晉
 以桑維翰之策十六州復以景延廣
 之謀虛誓十萬劔坐使亡國收其餘辱劉
 知遠稱帝晉陽不改天福之號未一年遂
 歿又未三年而郭威弒隱帝即位於澶州
 劉崇亦援契丹即位於晉陽俱不三年而
 歿柴世宗又立六年龕成綱紀而天既厭
 亂震艮載終陳橋之變光於澶州宋以木
 德乘火而起矣非五代之間入姓十二主
 近者二三年遠者六七載自五口雜姓未
 有如此之速也攷其間克用存勗義自屬
 唐石劉後唐之將也朱溫唐室之賊也郭
 周繼之直開宋先猶諸節度蟬聯自帝无
 當於運會也然則是猶屬唐乎曰魏晉之
 間自為一限後漢之不得屬魏猶後唐之
 初不屬梁也必以中土之攘奪為上天之

瞻顧則長安洛陽遂為正朔之會少昊不
 必起於曲阜顓頊不必都於高陽矣然則
 是用卦兩位之果何屬乎曰是萃升革鼎
 之交也萃升易位革鼎易政兩際合界而
 震艮值之以各自為長子一反一復雖十
 二主八姓豈為過乎然則上際也艮震與
 姤夫交天地亦易位六子亦互爭正值於
 革鼎而猶有會昌大中咸通之治何也曰
 火德二十有七其運未終而輝氣從之自
 僖宗元年乾符甲午又二十七年庚申而
 劉季述幽上於少陽以視太宗元年丁亥
 二百七十三年其所繇來遠矣



漸女歸吉利貞

彖曰漸之進也女歸吉也進得位行有功也
 進以正可以正邦也其位剛得中也止而巽
 動不窮也

象曰山上有木漸君子以居賢德善俗

正曰漸序也序貴序齒序賢皆序也疆者
 在上柔者在下綴綴然自為先後也是聖
 人所以教弟也木託於山漸長以高止而
 巽上下皆順聖人以此教弟而長幼不箠
 上下无怨故隨蠱漸歸妹四者易之大際
 也隨以教弟蠱以教孝漸以教順歸妹以
 教慎四者仁讓所繇興也三序之中序賢
 為上以為序賢易爭故又教弟以致其順
 詩曰民之無良相怨一方受爵不讓至于
 已斯亡夫知漸之義者則庶乎可以善俗
 矣故山上有木君子以居賢德善俗交讓
 之隣梟鳴不賓嘉木所都尚虞斧斤其究

也。以永終知敝。

初六 漸之家人

漸女歸吉。利貞。

家人利女貞。

鴻漸于干。小子厲。有言无咎。

象曰。小子之厲。義无咎也。

正曰。是猶之家人也。長長匆匆而家人之道備矣。事親從兄。蓋自小子而始也。嗃嗃之厲。則小子先受之。書曰。王嗣厥德。罔不在初。立愛惟親。立敬惟長。婉婉聽訓。則不獨為女貞而設也。記曰。雞初鳴。櫛縱筭總。佩容臭。以適父母舅姑之所。立無跛。視無窺。聽無倚。笑不至矧。怒不至詈。無私怨。無私蓄。無私施。與負劍辟咎。以從先生。問。杖枕席。何嚮何趾。唯諾而進。欠伸而退。小杖而受。大杖而走者。是小子之厲也。厲雖有言。何咎之有。故知漸之小子者。可以漸於大人矣。

六二 漸之巽

漸女歸吉。利貞。

巽小亨。利有攸往。利見大人。

鴻漸于磐。飲食衎衎吉。

象曰。飲食衎衎。不素飽也。

正曰。漸而巽。以序以順。是可以從君矣。單襄公曰。人性陵上。不可蓋也。求蓋人。其抑

下滋甚。卻至在七人之下。而欲上之。是求
盜七人也。其有七怨。怨在小醜。猶不可堪
况在後卿乎。故君子始進。患不能漸。始進
而漸。患不能巽也。趙衰三讓。卒不失位。范
燮三掩。以得親誦。詩曰。羔羊之縫。素絲五
總。委蛇委蛇。退食自公。是漸而巽之謂也。
漸而巽。以化天下可也。又何不可從政之
有。

九三 漸之

漸女歸吉利貞。

觀盥而不薦。有孚顒若。

鴻漸于陸。夫征不復。婦孕不育。凶。利禦寇。

象曰。夫征不復。離羣醜也。婦孕不育。失其道也。利用禦寇。順相保也。

正曰。九三。未失位也。漸之觀。未失德也。德位未失。而匹耦見凶。何也。應敵而時失也。漸可以歸矣。觀而不歸。強敵在外。而悉索從之。進者愈遠。去者愈久。功利動于中。而家道睽於外。是于役陽陽之所繇作也。故漸陸之鴻。必離其羣。樂進之夫。其家不蕃。觀進而知退。觀往而知復。則庶乎其可以相保矣。詩曰。未見君子。憂心惓惓。亦既見止。亦既覯止。我心則說。是之謂也。

六四 漸之

漸女歸吉利貞。

遜亨。小利貞。

鴻漸于木。或得其桷。无咎。

象曰。或得其桷。順以巽也。

正曰。木不得所遯。桷猶得所遯也。君子相時而動。擇地而蹈。時地相違。抱關擊柝。亦庶乎可也。詩曰。十畝之間。桑者閑閑。行與子旋兮。天下无政。君子有命。執掌之勤。亦不足敬也。以謂苟得其所棲而可矣。然終不如游於藪澤。而託於洲渚之正也。

九五

艮漸之

漸女歸吉利貞。

艮其背。不獲其身。行其庭。不見其人。无咎。

鴻漸于陵。婦三歲不孕。終莫之勝。吉。

象曰。終莫之勝。吉。得所願也。

正曰。陵不若澤之樂也。然而魚網兔罟。亦可以相謝矣。君子无所勝於人。而人樂於勝君子。故有遠人之志者。无近人之旤。有勝敵之心者。終有受敵之恥矣。宋公子臧。及吳公子札。衛公子鮮。此三公。子者。行有優劣。而要於遠。旤去恥。終莫之勝。則一也。君子不為功勸。不為名誘。不為威怵。不為害疾。安其心。而止其居。饑渴不阻。三黜不恥。夫以為蘧。暖柳下。惠氏之行也。雖有在磐之食。不謀之矣。詩曰。高山仰止。景行行止。是鴻漸之陵。是也。

上九

蹇漸之

漸女歸吉利貞。

蹇利西南不利東北利見大人貞吉。
鴻漸于逵其羽可用為儀吉。

象曰其羽可用為儀吉不可亂也。

正曰。鴻漸之儀安可亂乎。君子進不失其序。退不失其願。在上位不侈。在下位不怨。以在陵則已遠。以在楸則已翫。雲逵羽儀。翱翔休明。何不可之有。或曰。是蹇也。動而難生。雲冥之野。人思其羽。故謂出不如處也。夫古之仁人。亦有殺身以儀世。去質以尊文者矣。以為漸近於名。則真質不存也。故見險而知避。高飛而遠去。古之大人。皆用之。是二象之所貴貞也。詩曰。鶴鳴于九臯。聲聞于天。魚在于渚。或潛在淵。羽儀之光。何侈之有。



歸妹。征凶。无攸利。

彖曰。歸妹。天地之大義也。天地不交。而萬物不興。歸妹。人之終始也。說以動。所歸妹也。征凶。位不當也。无攸利。柔乘剛也。

象曰。澤上有雷。歸妹。君子以永終知敝。

正曰。歸妹。大義也。然則征凶无利。何也。曰。妹。多媵也。媵不得為正也。隨之與歸妹。陰陽之雜也。隨男而歸女也。陰陽之雜。何也。曰。澤水也。而命之金。雷火也。而命之木。水在於內。而木從之。疑於火。木在於外。而水從之。疑於金。內外疑情。寇媾疑形。永終知

敝則必繇此也。然則隨之不疑。何也。曰。丈
夫小子。隨亦或疑之也。隨於澤。則失於木。
隨於火。則失於水。隨亦或疑之也。然而臣
道也。非媵也。曰。君子而亦有媵者乎。曰。君
子而隨人。則媵也。歸妹者。隨人而貴者也。
詩曰。綠兮絲兮。女所治兮。我思古人。俾無
訛矣。古人則庶乎知敝者也。然則澤上有
雷。歸妹何義也。曰。雷動於澤。魚龍從之。或
得以孕。或以失育。君子見氣而徵。質見質
而徵。本其究也。以居賢德善俗。

初九

歸妹之解

歸妹。征凶。无攸利。

解利西南无所往。其來復吉。有攸往。夙吉。

歸妹以娣。跛能履。征吉。

象曰。歸妹以娣。以恒也。跛能履吉。相承也。

正曰。歸妹而解。則往矣。為往者。何復乎。夙
往。夙復。非歸妹之義也。或為娣。則可矣。始
仕无位。或進或退。潔身而下。不疑引過而
上不罪。是伊尹膠鬲氏之行也。詩曰。言告
師氏。言告言歸。薄汚我私。薄澣我衣。是以
后夫人而引娣之義者也。

九二

歸妹之震

歸妹。征凶。无攸利。

震亨。震來虩虩。笑言啞啞。震驚百里。不喪匕鬯。

眇能視。利幽人之貞。

象曰。利幽人之貞。未變常也。

正曰初二皆下也。跛眇之視履皆未為正也。而獨且有利焉。何也。是歸妹之常也。古者取女同姓媵之。以廣嗣續。以全婚媾。詩曰。諸娣從之。祁祁如雲。夫是則曰幽人。何也。曰。幽人者。君子之所共志也。君子不見色於人。不見聲於人。人知之。不揚。不知之。不對。故窈窕者。鐘鼓之所為樂也。衛將軍文子三仕矣。而猶為下卿。展季公族也。老於卑位。是能无震虢之言乎。曰。吾不失所為幽人者而已。詩曰。仲氏任只。其心塞淵。終溫且惠。傲慎其身。是幽人之行也。

六三

歸妹之大壯

歸妹征凶无攸利

大壯利貞

歸妹以須反歸以娣

象曰歸妹以須未當也

正曰婦无少壯。臣无崇卑。曰貞而已矣。貞者大人之事。諒者匹婦之誼也。歸而遠時。則以須。歸而當時。則以娣。四十而服官。七十而懸車。夫有終年之仕。无一日之祿者矣。非禮不履。則士君子之所自處也。詩曰。鬢彼兩髦。實維我儀。之死矢靡它。是衛共姜宋伯姬之行也。

九四

歸妹之臨

歸妹愆期遲歸有時

歸妹征凶无攸利

臨元亨利貞。至于八月有凶。

象曰：愆期之志，有待而行也。

正曰：君子之仕，為義而已。仕而必黃虞歸，而必京師。則三代无浚明之士。姜子多不嫁之女也。詩曰：摽有梅，傾筐暨之。我庶士，迨其謂之。夫以學為不足，不敢言仕者，漆雕開、公明宣氏之行也。以仕為无益，不復言學者，申徒狄、介之推氏之行也。歸妹之臨，以待仕，何期乎？諺曰：俟河之清，人壽幾何？詩曰：俟于巷兮，悔予不送兮。是猶擇吉而蹈者也。則亦未至於怨悔也。

六五

歸妹之兌

歸妹。征凶。无攸利。

兌亨利貞。

帝乙歸妹。其君之袂，不如其娣之袂良。月幾望，吉。

象曰：帝乙歸妹，不如其娣之袂良也。其位在中，以貴行也。

正曰：歸妹而兌，君悅其臣，臣亦悅其君。夫天下之君，自謂不如臣者鮮矣。成湯之稱阿衡，曰聿求元聖，武王之頌呂望，曰維師尚父。桓管之交，兼取之矣。然而管仲之媵，亦未有良於管仲者。故楚令尹之賢，樊姬之所竊笑也。詩曰：譬彼小星，三五在東。未望之月也。譬彼小星，維參與昴。將望之月也。夫以彌望之光，失譬彼之輝，日夕而昃。

其與幾何。歸妹之兌。麗澤而悅。則必有得於此者矣。

上六

歸妹之睽

歸妹。征凶。无攸利。

睽。小事吉。

女承筐。无實。士刲羊无血。无攸利。

象曰。上六无實。承虛筐也。

正曰。歸妹而睽。歸妹之敵。則必極於此矣。睽者。家人之反也。異同生而志不相得。不相得而牙。猶相為孽也。故兌者。羊也。震者。筐也。彼此虛疑。則是不祥也。金之疑火。火之疑水。著於士女。則乖於家。著於君臣。則

不欲。惟截截善。論言。俾君子易辭。我皇多有之。故永終者。家國之大繫也。誦言无物。飭行无恒。家國之大不利也。夫家國之大不利。則將在媚嫉矣。秦誓曰。邦之杌隳。曰。繇一人。邦之榮懷。亦尚一人之慶。長國家者。而觀於歸妹。則亦知戒矣。

凡易之下際。至夫姤而易次。夫姤而下。復為四六。故更一際。而始革鼎。革鼎。帝王之要會也。革鼎之於夫姤。猶夫姤之於剝。復也。革鼎二陰。從於北政。寅戌初候。火德之所從歸也。鬼神出入。於是司令。羸歷之往反。於是中次。故革鼎之會。王者之所慎辨也。

乾坤司上。六子司下。坎離者。乾坤之寄宅也。震艮者。坤乾之終始也。故鼎革之後。受於震艮。震艮二陽。從於南政。辰申中候。水德之所從盈也。漸歸妹之在下經。猶隨蠱之在上經也。反

易變動各還其卦。從於北政。為寅戌中候。火德之所從。究也。日月薄蝕。於是更端。故革鼎震艮。漸歸妹。為下經之要會。人道乘除。繇於中舍。故觀於圖。圖而後知。陰陽家室。為天道之腑臟。泰否兩濟。於是經緯。一南一北。二六為際。盛衰之所從。紀也。序卦傳曰。物不可以終止。故受之以漸。漸者進也。進必有所歸。故受之以歸妹。於是則宋祖受命矣。是交卦也。而與主值之。何也。曰。猶之泰否隨蠱也。陰陽交暢。天地之所立。主也。六子之交暢。獨隨蠱。漸歸妹耳。然則謂之災卦。何也。曰。剛柔交。而難生。屯蒙則猶之未交也。艮巽震兌。於是乃交損益。為六朝之終。咸恒為魏晉之始。則亦猶此也。然有反復。而无對化。反復對化。俱則治亂之終始。備矣。故趙宋之於元。於魏晉六朝。同治也。建隆元年。庚申。其明年入漸。用卦之交。在革。自咸恒來者。損益之際。

也。開晉興國之治。危有可觀。諸王不蚤自克。以及於死。非復文豕之所能治。中交辛卯。以李繼遷觀察。張夏卒。為西土大難。甲午。李順陷成都。以官者王繼恩為招討。猶有五代之風焉。於是趙保吉寇靈州。保吉即繼遷也。真宗五年。保吉陷靈州。明年陷西涼。子德明以契丹立。稱西平王。甲辰。景德元年。契丹大舉入寇。上渡河次澶淵。契丹受盟。而退。真宗既恥城下之盟。遂多東封之策。天書屢見。社首。登。崔立。係。東疏。既用見疎。王且寇準之賢。猶依以日。開元天寶之故智。唱于大。中祥符之。開。哉。其自誣也。劉德妃。既正。中宮。浸于。乾興遺詔。遂以軍國聽其處分。幾立。七廟。嚮非大臣秉政。續枯於蚤。歸妹。也。可量哉。然則諸圖之。取於歸妹。也。定位。歸漸。在梁唐之際。而未與。在。之端。七十二限。皆在井鼎之交。而漸歸。殿。


後。衡圖用限。皆在咸恒損益升鼎之際。而漸歸多在漢獻唐懿之間。唐懿宗曰。朕安敢望堯舜。望周赧漢獻耳。周強諸侯。朕乃制於家奴。故漸離為入亂也。而初宋值之。何治者幾何。既重於前。則勢平左。則害施於右。觀於乾坤六魏晉六朝之所始終。而後宋之受命。為隨蠱同交。與秦漢北義。蹶然見也。

易象正卷之九 終

易象正卷之十

漳浦黃道周輯

晉安鄭開極重訂



豐亨。王假之。勿憂。宜日中。

彖曰。豐。大也。明以動。故豐。王假之。尚大也。勿憂。宜日中。宜照天下也。日中則昃。月盈則食。天地盈虛。與時消息。而况於人乎。况於鬼神乎。

象曰。雷電皆至。豐君子以折獄致刑。

正曰。雷電晦冥。非天之意也。盛陽噴薄。則山川從之。故盛明之時多疑情。盛文之時多疑辭。刑獄繁興。則日昃且至矣。康誥曰。時乃大明服。惟民其勅懋和。若有疾。惟民其畢棄咎。故豐中多故。王者之所憂也。王者在上。能明其耳目。詳其視聽。舉要以立體。清問以去奸。舊章是從。碩言是行。雖有危疑。勿憂之矣。呂刑曰。非天不中。惟人在命。王者造命者也。王者日中。以炤天下。即偃禾拔木。猶之清且也。而况於庶獄。庶慎者乎。故雷電皆至。折獄致刑之象也。君子折獄等於享祀。享祀致誠。折獄得情。其究也。以享帝立廟。

初九

豐之小過

豐亨王假之。勿憂。宜日中。

小過亨利貞。可小事。不可大事。飛鳥遺之音。不

宜上宜下。大吉。

遇其配主。雖旬无咎。往有尚。

象曰。雖旬无咎。過旬災也。

正曰。豐而小過。雷電之用。已過矣。配主則雷電之時也。以雷電之時。用其明威。至於旬日。毋乃瀆乎。易之貴用。未有過旬者。甲旬也。巳。六日。庚。七日也。丁。辛。癸。三日也。春秋之書。雨雪震電。非其配主。亦有過於三日者矣。非其配主。過三日而已。災。遇其配主。雖旬日而无咎。書曰。要囚。服念五六日。至于旬時。丕蔽要囚。君子之離憂。不求速解。其遇合。不求速至。亦各其候也。且也。緩愈於驟。故豐之小過。勿憂之矣。

易象正

卷二十一

二

六二 豐之大壯

豐亨。王假之。勿憂。宜日中。

大壯。利貞。

豐其蔀。日中見斗。往得疑疾。有孚發若。吉。

象曰。有孚發若。信以發志也。

正曰。履盛滿者。不已難乎。豐之大壯。盛極矣。聖人謂是豐蔀也。豐蔀者。蔽府也。夫其君有逸志。臣有厲心。而年穀豐熟。鮮可五稔。日中見斗。何往乎。煬竈之言興。而雷電之用至矣。然是盛時也。陽德未衰。羣陰不疑。冰霜雨雪。則猶未至也。夫其廟社有靈。鐘簣多福。則左右蒙蔀。或撤而去之矣。詩曰。君子如屆。俾民心闕。君子如夷。惡怒是違。屆。至也。夷。平也。君子之心。至和平。雖有疑言。不害聰聽。有孚發若。是利貞者之所尚往也。

九三 震之震

豐亨。王假之。勿憂。宜日中。

震亨。震來虩虩。笑言啞啞。震驚百里。不喪七鬯。

豐其沛。日中見沫。折其右肱。无咎。

象曰。豐其沛。不可大事也。折其右肱。終不可用也。

正曰。見沫之節。甚於見斗者矣。豐沛折肱。而曰无咎。何也。謂七鬯之未喪也。夫猶雷

電之時也。寇賊姦宄。何代无之。耳日未墜。心斨未失。卽股肱損折。猶之震驚云耳。毋亦威辟之是用。辨言之是。騁傷其良臣。以引瘵於身。是則可悔也。然日不言悔。何也是亦方中之日也。逸豫則多禍。震戒則多福。康誥曰。民情大可見。小人難保。往盡乃心。無康好逸豫。乃其乂民。震驚折肱。夫亦有莽蜂之心乎。

九四 豐之明夷

豐亨。王假之。勿憂。宜日中。

明夷。利艱貞。

豐其蔀。日中見斗。遇其夷主。吉。

象曰。豐其蔀。位不當也。日中見斗。幽不明也。

遇其夷主。吉行也。

正曰。九四。夷主也。夷主何也。傷我者也。傷我而曰吉。何也。月之食日。則未有所損也。經緯相值。而輝儀掩焉。去數千里。望之。安知其非晉也。且是日中也。窗牖四達。昧而見斗。亦不移時。則已矣。疑言危行。何傷哉。然則配主。何也。日月之合也。一旬之月。而各有所合之。合之不必咎。傷之不必凶。憂盛者不危。明危者不窮。夫亦各當其時也。各當其時。何也。本仁者與仁。本義者與義。三錘皆仁也。三呂皆義也。六正皆主也。雷電之於日主。各當其仁義焉耳。為人臣而為威福。以儀其君。猶星辰之為奸賊也。詩曰。彼月而食。則維其常。此日而食。于何不臧。然則夷配之。皆何主歟。日日中為主。雷電為客。當其時。則皆為主。不當其時。則皆為客。

六五 豐之

豐亨。王假之。勿憂。宜日中。

華。已日乃孚。元亨利貞。悔亡。

來章。有慶譽。吉。

象曰。六五之吉。有慶也。

正曰。豐而華。則華矣。華之用已日也。先王之所服念也。雷電皆至而豐。金火相守而柔。君子在上。去其豐。節屏奢。塞汰。慎擇左右。以新天下之耳目。周頌曰。無封靡于爾邦。維王其崇之。小雅曰。裳裳者華。芸其黃矣。我觀之子。維其有章矣。維其有章矣。是以有慶矣。天下之道。未有不柔而能文者也。狐掖去。醒。御於王公。豨豕之毫。以糞谿也。同。豐華能柔。天下求之。故燕譽笑語。以必繇此也。是亦天子所命公侯之義也。

上六 豐之

離正變象

豐亨。王假之。勿憂。宜日中。


離。利貞。亨。畜牝牛。吉。

豐其屋。蔀其家。闕其戶。闐其無人。三歲不覿。凶。

象曰。豐其屋。天際翔也。闕其戶。闐其無人。自藏也。

正曰。豐之離。則離為政矣。離而有不明之傷。何也。君子惡夫豐之用明者也。疏。續。垂。凝。而日月通焉。清。畫。焚。燎。而鬼神宵行。故豐屋蔀家。三歲不覿。非夫位之累人。而德

之累位也。君子處於高嚴。則卑其視聽。九
閭之門。虎豹是叢。故責明聽於豐蔀之人。
猶晞衣於雷電之下也。詩曰。蕩蕩上帝。下
民之辟。疾威上帝。其命多辟。蕩蕩則已平。
疾威則已高。夫上帝也。而猶惡其處高者
乎。



旅。小亨。旅貞吉。

彖曰。旅小亨。柔得中乎外。而順乎剛。止而麗
乎明。是以小亨。旅貞吉也。旅之時義大矣哉。
象曰。山上有火。旅。君子以明慎用刑。而不留

獄。

正曰。甚矣。君子之遠庶獄也。君子之遠庶
獄。何也。正明日而視之。不可察也。近則烈
烈焉。若不可別。故火之在山下。與在山上。
非夜莫辨也。齊書曰。若因夜虛。靜聽則皇
故旅之視夜。有皇於視晝者矣。旅而復重
言之。何也。君子无位。幸而託於道路。爰暨
小人。知其艱難。蓋自垂翼獲心而外。多有
困於旅次者矣。詩曰。伊可畏也。亦可懷也。
則湯文周孔皆是也。然則不留獄何象也。
曰。火上則不下矣。焚山之義。殊於焚田。去
則不留。豁壑界之。其究
也。以辨上下。定民志

初六

離旅之

旅。小亨。旅貞吉。

離利貞。亨。畜牝牛吉。

旅瑣瑣斯其所取災。

象曰旅瑣瑣志窮災也。

正曰甚矣。聖人之智也。旅之用順。猶困之用晦也。旅而用明。則災隨之矣。詩曰君子于役。苟無饑渴。又曰不愆不求。何用不臧。伎求之生。生於用明。火動於中。而饑渴隨之。暴客厲師。必有窺其行藏者矣。君子至慎。以為體。至卑以為用。寬以居之。仁以行之。雖雜於廬旅之中。人必以是為橋。大人也。是以浩浩。是以眉壽。詩曰雄雉于飛。泄泄其羽。雄雉已明矣。而又泄泄然。翱翔八步之內。繒繳之來。自取之矣。故雄雉之聞。不如牝牛之順也。

六二 旅之

旅小亨。旅貞吉。

鼎元吉亨。

旅即次。懷其資。得童僕。貞。

象曰得童僕貞終无尤也。

正曰旅之鼎。鼎有足也。不能自舉。儻於是。粥於是。資斧之貴。而童僕之與。古之視天下者。亦猶之旅舍也。尚德以為寶。親賢以為輔。番番良士。以為資斧。乞乞勇夫。以為童僕。故以祀上帝。以養聖賢。以享貴爵。老居則安焉。行則遷焉。真之周行。而天下莫之敢問也。正月之詩曰。無棄爾輔。員于爾輻。屢顧爾僕。不輸爾載。終踰絕險。曾是不意。夫是則可謂貞吉无尤者矣。

九三 旅之 晉正變象

旅。小亨。旅貞吉。

晉康侯用錫馬蕃庶。晝日三接。

旅焚其次。喪其童僕。貞厲。

象曰。旅焚其次。亦以傷矣。以旅與下。其義喪也。

正曰。旅之晉。吉行也。而得厲。何也。旅則未有處也。與之車。而道不如行。與之童僕。而門人不親。非无康侯。猶未解於旅人也。故旅而用明。君子之所畏也。然則公子重耳。過宋饋馬二十乘。過楚。庭實旅百。受之而不為厲。何也。公子則非旅人也。唐叔武之昭也。周胙在武。晉必有後。同出九人。惟童耳在。三賢佐之。非侯而何。然則旅之晉。孰當之乎。曰。其公子鍼乎。為亡公子。而從車百輛。以適外國。其何能復。故以旅人而受賓禮。亦載贄者之所不事也。

九四 旅之 艮

旅。小亨。旅貞吉。

艮其背。不獲其身。行其庭。不見其人。无咎。

旅于處。得其資斧。我心不快。

象曰。旅于處。未得位也。得其資斧。心未快也。

正曰。旅之艮。何位之有。夫猶之寓臣也。以言則已僭。以諫則已過。不獲其身。近於僭。

不見其人。近於傲。僭過傲情。君子雖不思之。不敢出也。然則重耳之去齊。其適謂是歟。曰是亦非旅之義也。其謂書社七百。季孟待間者歟。吾道之窮也。天下無主。而託於旅人。詩曰。匪兕匪虎。率彼曠野。雖有資斧。又何快焉。

六五 旅之

旅。小亨。旅貞吉。

遯亨。小利貞。

射雉一矢亡。終以譽命。

象曰。終以譽命。上逮也。

正曰。旅之不樂用明。而曰射雉譽命。何也。射雉者。丈夫之事。亡矢者。大人之費也。君子用。雖不失其智。守義不失其變。失之物。而反於身。失之前。而得於後。失其瑣瑣。存其棟棟。何喪之有。然則是誰當之乎。曰。其當公劉古公之事歟。二公舍其故土。依其遷國。外有干戈。弓矢之勞。內有疆理。宣畝之役。而素之若積。行之无事。夫非聖人而能如此乎。抑當于季文王之時歟。滯於羈庫。困於羸里。而皆免於刑戮。以為王師。故旅之六五。匪夷之道。君子所不易處也。

上九 旅之

旅。小亨。旅貞吉。

小過亨。利貞。可小事。不可大事。飛鳥遺之音。不

宜上宜下。大吉。

鳥焚其巢。旅人先笑，後號咷。喪牛于易，凶。

象曰：以旅在上，其義焚也。喪牛于易，終莫之

問也。

正曰：是當汜與翟泉之事歟。曰：是則大事也。非小過也。天子出居，諸侯避其宗廟，不謂之旅。然則是當死鳥乾侯之事歟。鸛鶴之所為歌也。曰：是則喪牛也。喪牛之過在於君焚巢之過在於臣。然則孰當之歟。曰：其在公之止於楚，而復如楚，入於越，而復其於越也。諸侯有其宗廟，有其典章，以數百里之國，禮樂所萃，先王先公，馮靈其間，而日挾其嬰瓊，以望人之塵垢。詩曰：昔先王受命，有如召公。日闢國百里。今也日蹙國百里，於乎哀哉。維今之人，不尚有舊。夫以五百里之國，而夷於旅人者，魯哀公是也。

豐旅，二陽之卦也。從於南政，豐旅之與噬嗑，皆天地所治，奸慝也。噬嗑責在於北政，則豐旅在於南政矣。豐旅之有小過，遯大壯，晉明夷，震艮，革鼎，亦各從其類也。噬嗑責之在北政，則離頤无妄，大畜三者其主也。主類羸乏，則南北分居。序卦傳曰：得其所歸者必大，故受之以豐。豐者大也。窮大者必失其居，或受之以旅。是則通於道者矣。在夫宋之盛際也。仁宗六年，戊辰，入於豐限。又五年，癸酉，上始親政。追尊宸妃李氏。是年遂廢郭后。又三年，呂夷簡、韓縝，又為朋黨之說，勝四賢於朝。堂又明年元昊稱帝於夏州。又明年劉平、石元孫戰歿於延安。又明年任福敗於好水川。於時天子盛明，羣賢任事，而一方有故，竭天下創之。如恐不支，是亦豐亨之憂也。故景祐康定之時，取諸日中，豐蔀勿憂。

而夏竦不除黨禍再發。見斗之疑。仁宗有焉。豐旅之中交。立宗實為皇子。甲辰治平元年。是為英宗。不四載神宗立。熙寧元年戊申。明年己酉。王安石參知政事。立新法。百姓怨苦。皇太后爭之不可得。以流民圖罷安石。不兩月復起平章。置邏卒監謗。遂割蔚朔七百里之地。以與契丹。以鬻祠廟。失上意。乃去。於是蔡確漸用事。諸賢放廢。而獨與李憲李舜舉。一二內臣商略邊事。幸諸內侍无漢唐之奸。諸君子亦維持不敗。而章蔡又夤緣取徑矣。哲宗丙寅。元祐元年。諸賢復用。章蔡罷黜。七八年間。想望太平。而老成漸凋。太后晏御。呂范調停不効。楊畏首唱紹述。而呂惠卿章惇復出矣。林希首詆宣仁。而章惇蔡卞遂欲誣陷國母。唱古今希有之說。蓋自漢唐內寺未之有也。庚辰。上崩。乃復廢后。孟氏寬諸賢之禁。貶黜情下。而曾布夤緣復起。蔡京建中崇寧。不三二年間。熙豐青苗。變為花石。元佑自有再廢之母后。殿門有重立之黨碑。而宋室之說極於是矣。嗚呼。漢秦而上。暨於夏殷。十國之主。皆身為昏虐。若五口亂主。日取傾覆。宜也。有宋神哲。皆有意圖治。而賢奸不明。主柄下竊。匹夫環召。即有倒江河。同日月之心。至於宣仁。追討元佑。再廢。亦異事矣。豐大勿憂。又焉可恃乎。



巽。小亨利有攸往。利見大人。

彖曰。重巽以申命。剛巽乎中正。而志行柔皆順乎剛。是以小亨利有攸往。利見大人。
象曰。隨風巽。君子以申命行事。

正曰習坎隨風君子皆以命教何也水之與風皆漸而善入也與之善入可以語化矣而曰小亨何也大君之命皆有風霆焉與特申言之耳故為震則虞其已剛為巽則虞其已柔也詩曰不競不綵不剛不柔敷政優優百祿是迺大人者中正以為道而順巽以為動不于民譽不違民好書曰爾惟風下民惟草海上所命從厥攸好故通於民志可以知與之道矣巽而多懼不如強而多慮其究也以恐懼修省

初六 巽之小畜

巽小亨利有攸往利見大人

小畜亨密雲不雨自我西郊

進退刑武人之貞

象曰進退志疑也利武人之貞志治也

正曰巽之進退不果不可不治也與矣而又畜之密雲不雨交无以斷柔无以制蓋自是養亂矣然則文王志疑尚父志治乎曰有二服事何疑之有然則慙德志疑仲虺志治乎曰口實立防何疑之有然則利武人之貞何也曰天地之金氣也以落其枝蔓去其鬻悅則長高可繼盡氣不作故武人者重巽之工繩也然則履之惡武人何也曰履者小畜之反也履有金氣焉而武人感之以刑變禮故履虎咥凶君子之所惡也

九二 巽之漸

巽小亨利有攸往利見大人

卷之三 三

漸。女歸吉。利貞。

巽在牀下。用史巫紛若。吉。无咎。

象曰：紛若之吉，得中也。

山曰巽而用漸。古之人有用之者乎。閔散顛括皆用之矣。若是則權也。權而謂之中何也。非權則固无中也。權而史巫紛若何也。神明之道。聖人有不獲已也。異姓之歡。萬物以通。及物多儀。其享乃成。詩曰：之子于歸。皇駁其馬。親結其禡。九十其儀。是女歸之義也。夫以大人而用女歸之義。非神明其德而能之乎。以居賢德善俗。未為不可也。

九三 巽之

巽。小亨。利有攸往。利見大人。

渙。亨。王假有廟。利涉大川。利貞。

頻。巽。吝。

象曰：頻巽之吝，志窮也。

正曰：巽而渙。何謂頻巽乎。渙亦以申命也。一命而數申之。三而瀆。五而玩。非上所好。瀆命不從。故渙非所以救散也。當巽之時。而欲以享帝立廟。亦失其義也。然則古公之作廟立門立冢上。非歟。曰古公非巽之時也。古公以其剛德。啓土興邦。昆夷克道。故不言而民從。不徠而民集。然則盤庚之再遷。三誥。非歟。曰盤庚亦猶之剛德也。永建厥家。以綏乃祖乃父。然則誰當之歟。曰周以叔帶子頹之難。告於諸侯。諸侯又以

之號告於天下。則汎與翟泉之役。皆是也。是則九三也。而謂非剛德何也。曰德散者。不足以凝位。位散者。不足以凝德。

六四

巽之姤

巽。小亨。利有攸往。利見大人。

姤。女壯。勿用取女。

悔亡。田獲三品。

象曰。田獲三品。有功也。

正曰。德不若位。位不若時。有之乎。曰有之。巽之姤。是也。姤則未為德也。然而有遇焉。遇者。時也。處於四。而用柔者。位也。時與位。值。半德。而倍功。田獲三品。豈為幸乎。然則誰當之。歟。曰。盛明之下。其當之者多矣。當戚賓胥無。卻穀先居。且之流。皆是也。詩曰。采芣采芣。筐之管之。鬻涕。檻泉。言采其芣。謂夫遇而有獲者也。君子之所樂采也。

九五

巽之蠱

巽。小亨。利有攸往。利見大人。

蠱。元亨。利涉大川。先甲三日。後甲三日。

貞吉。悔亡。无不利。无初有終。先庚三日。後庚三

日。吉。

象曰。九五之吉。位正中也。

正曰。巽而蠱。與蠱而巽。何別乎。蠱而巽。孝也。父蠱而子幹。巽以善入。去蠱而无害。孝

子之事也。巽而蠱。忠也。時平而思危。衆順而慮跛。重巽之令。而壞木之慮。忠臣之道也。然則蠱言六甲。而巽之蠱言六庚。何也。六甲。仁也。物將壞。而幹之以仁。猶厦將顛。而幹之以木。取材於木。至六甲而盡矣。木已壞。而治之以金。六庚。義也。救仁用義。仁之於巽。同幹。義之於巽。不同幹也。治其已壞。以成其不壞者。取材於金。至六庚而盡矣。故六甲之有孝子。先天之事。仁人任之。六庚之有忠臣。後天之事。義士任之。仁人所任。至於中田號泣而已矣。義士所任。蓋破斧缺斨。剖肝瀝血。而猶未已也。故鍾者。六甲之所取衷也。呂者。六庚之所繇舉也。三鍾之无六甲。三呂之无六庚。是仁人孝子所號籲於天地也。主甲者賓乙。主庚者賓乙。賓主合。而君臣父子。夫婦兄弟。各有所措。故陰陽賓主。交相爲取。鍾呂之取於乙。已。猶其取於丁。癸也。然則易言庚甲。不言丁癸。何也。曰。以其義。則亦兼取之矣。然則鍾呂之合。言六間。不言六正。何也。曰。六甲六庚。則皆正也。黃鍾之爲主。蕤賓之爲賓。主鍾者賓義。主呂者賓仁。主仁者取於智。主義者取於禮。三鍾之取於三主。猶三呂之取於三賓也。故六甲六庚。全易之大義也。水火動。而繼之以木。木動。而嗣之以金。六府之要歸也。故觀於甲之治蠱。庚之治巽。而爻象互取之義。亦燦然備矣。

上九

巽之井

巽。小亨。利有攸往。利見大人。

井。改邑不改井。无喪无得。往來井井。汔至亦未繙井。羸其瓶。凶。

易象正 卷一
巽在牀下。喪其資斧。貞凶。

象曰：巽在牀下，上窮也，喪其資斧，正乎凶也。

正曰：巽之井，已下也。夫猶之漸也。巽在牀下，而或以吉，或以凶，何也？漸得位，而井不得位也。漸求於人，以安其身，非危其身，以救於人，夫危其身，以救人，雖行權亦可以已也。然則仁者養人，身重於人歟？曰：身不重於人，則何所貴養人者？然則羸瓶喪斧，未為大喪也。尤大喪而獲仁之名，仁者不為歟？曰：仁者實也，何名之有？然則牀下之巽，不為全身者歟？曰：養人而无救於人，然且不為也。无救於人，而猥全其身，誰為之乎？詩曰：既明且哲，以保其身。夙夜匪懈，以事一人。是則古人之所貴也。

三三三
兌亨利貞

象曰：兌說也。剛中而柔外，說以利貞，是以順乎天而應乎人，說以先民，民忘其勞，說以犯難，民忘其死，說之大，民勸矣哉。

象曰：麗澤兌，君子以朋友講習。

正曰：治天下者，其惟師道乎？乾坤六子，物彙所統，則皆師道也。師道何也？乾之惕厲也。三男從之，震以修省，坎以德教，艮以止思，坤之厚載也。三女從之，巽以申命，離以繼照，兌以講習。此八者皆學也。世未有不學，而可治天下也。陽德之惕厲，而歸於止，思陰德之柔明，而歸於講習。體是入者，以求治道，而後五十六事者，可以遞起也。夫

以兩女相麗而平功成焉。德容出焉。又況於經德討論者乎。詩曰。嗟爾朋友。予豈不知而作。如彼飛蟲。時亦弋獲。兩澤之利貞。古人亦藉以相傲也。故兌者。麗澤之象也。麗澤羣居。退而獨思。動以慮之。靜而多致。其究也。以思不出其位。

初九 兌之困

兌亨。利貞。

困亨。貞。大人吉。无咎。有言不信。

和兌吉。

象曰。和兌之吉。行未疑也。

正曰。兌而困。困而不失其和。未信之言。存之以貞。有疑之行。賢於大人。柔顏以禮之。遷志以求之。當綽以心。以須其通。詩曰。視爾友。若手。輕柔爾顏。不遐有愆。故學而不

九三 隨

兌亨。利貞。

隨元亨。利貞。无咎。

孚兌吉。悔亡。

象曰。孚兌之吉。信志也。

正曰。隨。兌之正乎。謂其信志而隨之。同方不疑。同道相求。千里相應。不為悖也。然

君子晝以勞之夜
 思過免則日入矣
 為過也是則免
 禮也臨教
 咸通也
 者而猶與麗澤信
 乾之四德而
 能如是半

六三

兌

夫揚于王庭
 象曰來兌之凶
 候待

象曰來兌之凶不可

正曰來兌。何也。正之為言。不可揚之。言也。
 揚庭以爲說。其言不塞。則過言乃來矣。故
 夫之為言。失也。不塞。則過言乃來矣。故
 說人則言已。以說已。則虛人。以說下。則厲
 於上。以說上。則厲於下。故兌不可決也。以
 其不可決。而塞之。塞。故動。則兩澤俱竭矣。
 詩曰。無易辭言。無三苟矣。莫觀朕舌。言不
 可逝矣。無言不讎。無德不報。惠于朋友。庶
 民小子。吉人之相與。講習白圭。獻規則亦
 謂此也。

九四

兌

利貞

利貞

節言若節不可貞

商兌未寧介疾有喜

象曰九四之喜有慶也

正曰不說人者節也。節不說人者。節之為言。非不說人。亦不自說也。商兌未寧。則其兌。未塞矣。故兌有數義焉。兌之有毀折。附決。其於剛。有巫妾。口舌。比於柔。剛柔雜。非君子。不能為謀也。詩曰。君子如怒。亂匪遘。君子如祉。亂庶遘已。夫君子之喜怒。不度於道。而但曰喜之。欲使亂已。怒之。欲使亂阻。則是喜怒為來兌之路也。君子取其剛氣。以治其口舌。猶為之商度。使萬物受節焉。且故節之介。亦萬物之所說也。詩曰。無縱說。隨以謹。繼終。式遏寇虐。無俾正反。則可謂堅介疾惡者矣。

九五

兌之歸妹

兌亨利貞

歸妹。征凶。无攸利。

孚于剝有厲

象曰。孚于剝。位正當也。

正曰。歸妹。剝兌者也。剝兌以為歸妹。猶剝履以為睽也。剝履以為睽。非決也。而剝之也。然則兌可為歸妹。是妾可為婦也。而猶曰正當。何也。曰兌亦非妾也。歸妹則其剝也。君子而愛說已之言。則盈庭。婦人矣。夫以商兌之入。剝兌之。詩曰。君子。小人。是肖人。必遷怒於君子。

彊禦陰爲口致口秋則遂改命乎。曰頤不
改命。雖則近於改命矣。用卦之離。晉人逢
之體卦之巽。宋人逢之。與其與離。不尔震
艮之爲中夏也。
序卦傳曰。旅而无所容。故受之以巽。巽者
入也。人而後說之。故受之以兌。兌者說也。
是何義也。雜卦傳曰。兌見而巽伏也。凡易
之卦一見一伏。屯亦見也。蒙亦伏也。故豐
見而旅伏。旅无所容。則雖巽亦窮矣。聖人
之言也。以象天地之言。則初未有象也。猶
日月之交限。值焉耳。紹聖之二年。乙亥。是
人於與。明年廢孟后。流竄諸賢。追奪元祐
諸宰執官。元符元年。章蔡請追廢宣仁。明
年。立劉賢妃。又明年。啓宗崩。徽宗立。韓忠
彥爲政。追復廢后。及削奪諸臣。明年。復命
忠彥。復籍諸黨人。立碑端禮門。明年。復命
州縣立黨人碑。又四年。以蔡出毀黨碑。黜
蔡京。又明年。復相蔡京。又四年。辛卯。童貫
以遼人馬植來議伐遼。又四年。以童貫領
六路邊事。於是金人已取遼黃龍府矣。而
上方居林靈素之齋宮。重元戊戌。復遣馬
政如海約攻遼。又三年。金人來議攻遼。歲
幣。夫豈所謂惡重巽。而喜田獲者乎。何用
壯之。驟也。不攻遼。歲幣與遼。得鄰好。攻遼
歲幣與金。失輔車。經營三年。而言者。只一
未昭。可歎也。乙巳之歲。與兌中交。金始滅
遼。封童貫爲廣陽郡王。宦者封王。童貫與
張輔國兩人而已。金將入大原。童貫逃歸。
郭藥師叛降燕。燕山州郡皆陷。上乃傳位
太子。決意東奔。丙午。金師圍都城。輸金幣。
割三鎮。金師陽去。而內戒弛。嚴罷西南勒
王之師。冬十一月。金師再至。都城遂陷。上
至金營。議割兩河。冀黏沒喝以修楚莊釋
鄭之事。而金人已悉劉曜取晉之實。方劉
曜時。五口併起。執不南轅。金人既無內顧
之虞。又用破遼之銳。安能寘宋以自朝食。

然猶立張邦昌劉豫用契丹之舊以紓緩
 中原及至踵事增華生巧出熟則口口契
 丹之智俱為敝屣矣當兀朮乘飛剗追高
 宗出明州時豈亦謂天限南北不能
 陵波哉李綱守兩河之策不用而軍潰太
 原种師道擊惰歸之計不酬而隆德始陷
 宗澤張所傳亮之儔廢而中原解體雖竄
 吳李於遐方追章蔡之故爵弛黨禁修廢
 官亦何益於殿最乎金師既陷天長上奔
 臨安汪黃始求自免汪黃之於苗劉同亂
 耳隆祐之變朱勝非權請太后垂簾三甲
 三庚庶亦有焉過此則皆牀下之事也建
 炎不誅汪黃似亦以建飛遜之策李綱終
 不見錄似亦謂守櫻城之謀然如建炎林
 下遺姿資斧不治泊泛明州中心猶漾豈
 能據襄郢之都疏蜀漢之路以求武人收
 其初終乎張浚敗績於秦州秦檜縱還於
 連水雖有韓岳劉吳无所命之以游酢胡
 安國之賢而循貌噉名為秦檜所賣可歎
 也趙鼎襲寇準之智勸上親征雖未破敵
 亦且吐氣既而和議終成諸將班師又割
 唐鄧商秦之地以求梓宮韋后及鄭那二
 后之喪說者逆漢高杯羹之言遵竊負欣
 然之說以為此舉未過然有句踐之志則
 可无句踐之志則懦也且父兄臣子何所
 異視而通問不求卒殞異域牀下史巫難
 為言矣乙亥弭兌終交秦檜封王死不越
 日又七年辛巳金亮大舉入寇陳康伯遵
 趙鼎之策再勸親征金亮亦斃於瓜州金
 主雅立孝宗亦以癸未受禪天下聿新不
 以此時探求遺賢獎拔來彥如虞允文辛
 次膺之論犄角先後而使屢敗之張浚驅
 李邵二將潰於符離為湯思退史浩所笑
 豈不傷哉无所容而後入入而後說之是
 也之謂

三三

渙亨。王假有廟。利涉大川。利貞。

彖曰。渙亨。剛來而不窮。柔得位乎外而上同。王假有廟。王乃在中也。利涉大川。乘木有功也。

象曰。風行水上。渙。先王以享于帝立廟。

正曰。渙者。文事所繇興也。風行於水。其源大者其瀾遠。其流近者其瀾淺。書曰。七世之廟。可以觀德。萬夫之長。可以觀政。詩曰。灋格無言。時靡有爭。風行水上。其聲容靜而感被遠。不行而至。不疾而速。是君子之所樂與也。故君子觀愛於廟。觀敬於廟。觀人心之聚散。陰陽之交會。鬼神之趨舍。則必於廟也。夫精誠之相遇。以為禮樂交動甚微。而文義備至。非聖人其孰與知之乎。故渙者。享帝立廟之象也。入廟知敬。臨刑知哀。精誠所通。若尊若親。其究也。以折獄致刑。

初六 渙之

渙亨。王假有廟。利涉大川。利貞。

中孚。豚魚吉利。涉大川。利貞。

用拯馬壯。吉。

象曰。初六之吉。順也。

正曰。渙。誠也。中孚。信也。誠以信。所為順也。風水相遇。敏於奔馬。舟楫之用。而波濤之

試夫苟誠信不載於中則其任力薄而委物也甚易矣故水動於下木乘於上七世之澤百世所託詩曰溁彼涇舟烝徒楫之尚王于邁六師及之烝徒之楫同舟之信也六師之邁合體之義也夏書曰于臨兆民凜乎若朽索之馭六馬夫以朽索馭六馬其不敗覆者少矣君子施敬於民施忠於民因民之力集民之事選賢而用之以時飭其政令夫八虞二虢之載文王亦豈僅六師之力乎

九二 觀 渙之

渙亨王假有廟利涉大川利貞。

觀盟而不薦有孚顒若。

渙奔其杙悔亡。

象曰渙奔其杙得願也。

正曰馬非舟也而壯於舟杙非車也而奔於車精誠所動而衆力附之涉川觀廟則同用此義也君子之濟民不一道用民不一術而要於擇賢善任棄柔而取剛舍敗而趨良其致一也夫杙无千里之御百里之轡而要於馳騁康道舉重速至亦豈散才而能之乎君陳曰簡厥修亦簡其或不修進厥良以率其或不良一修良者用則百修良者至一修良者黜則百修良者欲退矣不薦而孚以假有廟則亦猶此也。

六三 翼 渙之

渙亨王假有廟利涉大川利貞。

翼小亨利有攸往利見大人。

渙其躬无悔。

象曰渙其躬志在外也。

正曰。水之與木同體也。木與木不同體。則愛惡生。而攻取見矣。風亦與木同體。何也。曰。木者。木之魄。風者。木之魂也。然則與木也。而即為風。坎水也。而不得為木。何也。曰。魂魄之。交。或離。或合。木生于木。而載于水。長于風。而揚于風。魄有形。而魂無形。無形者。易合。有形者。易離。故渙之為與。水之為風。猶魄之為魂。而魂之合體也。木載於水。而行以風。天子載於百姓。而行以良臣。夫良臣之載於天子。亦猶天子之載於百姓也。一以為魄。一以為魂。无它。一身而已。說命曰。惟天聰明。惟聖時憲。惟臣欽若。惟民從乂。夫猶之一身也。木渙而風行焉。風渙而木行焉。渙躬无悔。是之謂也。

六四 渙之訟

渙亨。王假有廟。利涉大川。利貞。

訟。有孚。窒惕。中吉。終凶。利見大人。不利涉大川。

渙其羣。元吉。渙有丘。匪夷所思。

象曰。渙其羣。元吉。光大也。

正曰。夫作事而能謀。謀而能積。積而能散。非有濟險之才。而能之乎。渙者。精神之治也。君子將動。謀及乃身。謀及卜筮。謀及卿士。謀及國人。故有謀而集之。有集而散之。稽於聖賢。質於鬼神。故其有思慮。而得其不思慮者。詩曰。考卜維王。宅是鎬京。維羅正之。武王成之。成之者。王也。正之者。匪王也。龜正而王成之。則皆匪夷也。故曰。有涯

之智不足謀也。有形之積，不足營也。詩曰：謀夫孔多，是用不集。發言盈庭，誰敢執其咎。渙羣有丘，或以大散。或以大聚，或以衆濟，或不以衆濟。履險出夷，夫非神明而能之乎。然則是利涉也，而曰不利涉。利涉不涉，而曰匪夷所思，何也。曰：是勲勞勝氣之所不動也。鄢陵之戰，晉師濟河，聞楚師至，范文子欲反，曰：我僞逃楚，可以紆憂。夫合諸侯，非吾所能也。以遺能者，我若羣臣輯睦，以事君多矣。諸帥不可。文子曰：惟聖人能外內无患，自非聖人，外寧必有內憂。蓋姑釋楚以爲外懼乎。文子之思，則所謂匪夷也。利涉而不涉，則文子有焉。然則訟之渙，不利涉者也。而曰利涉，不利涉而涉，又曰渝安貞吉，何也。曰：是當訟競說之所繇止也。鄭人游於鄉校，以議執政，然明欲毀之。子產曰：何爲。夫人朝夕議政，善否善則行之，否則改之。是吾師也，防怨猶川，大決

所犯傷人必多，不如小決使道。子產之小決，則所謂渝之安貞也。不利涉而涉，則子產有焉。然則頤之益，利涉大川，而曰不可涉大川，何也。曰：涉大川者，利也。不可涉大川者，義也。衛獻公之再入也，甯喜專政，公孫免餘請殺之。公曰：吾與之盟矣。公孫免餘私殺之，又失石惡。公子鱗曰：逐我者出，納我者死。君失其信，而國无刑，不亦難乎。且鱗實使之，遂出奔晉。公勤止之，及盟於河，託於木門，不鄉衛國而坐。遂終身不仕。公孫免餘之殺甯喜，以爲利涉也。而子鮮不可，故免餘之爲利，不如子鮮之爲義也。然而子鮮則猶之涉險也。均之失賊，而又懟其國人，故公子鮮之狷，不如公子札之正也。然則蘧瑗之匪夷，不過於子札歟。曰：蘧瑗之不涉，不可涉而不涉者也。子札之不涉，利涉而不涉者也。然則不利涉而涉者，之獨子產乎。曰：其人在晏子之立於崔

氏之門與端委於虎門之外也。詩曰：招招舟子，人涉卬否。范文子是也。就其深矣。方之舟之。子產晏子是也。江之末矣。不可沫。思漢之廣矣。不可方思。公子札子鮮是也。

九五 蒙 渙之

渙亨。王假有廟。利涉大川。利貞。

蒙亨。匪我求童蒙。童蒙求我。初筮告。再三瀆瀆。則不告。利貞。

渙汗其大號。渙王居无咎。

象曰：王居无咎，正位也。

正曰：渙則无所求也。蒙則有所求也。渙而破之。蒙而止之。水行於風。而止於山。瀆則不告。則猶之无所求也。故憧憧爾思。發言盈庭。則猶之衆人也。渙汗大號。大人之事也。夫當修文之時。禮樂繁興。聞賄不給。而能散其居積。以渙號於天下。非有道而能如此乎。故為聖賢。而有其學問。為大人。而有其智慮。為天子。而有其居積。庸衆人之事。非君子之所樂與也。詩曰：彼有不穫穉。此有不斂穢。彼有遺秉。此有滯穗。伊寡婦之利。優之游之。使自求之。則是渙而蒙之謂也。

上九 坎 渙之


渙亨。王假有廟。利涉大川。利貞。

習坎。有孚。維心亨。行有尚。

渙其血。去逖出。无咎。

象曰。渙其血。遠害也。

正曰。渙之坎。上動而勞。霖雨已盈。舟楫將窮。然未无臭也。君子觀動而知險。觀險而知濟。逃。出遠害。雖有見血。亦何咎乎。然則見血。何也。動而勞。君子之所憂也。君子以民。裁身。以水。載舟。其道之。則吾衛也。其不道之。則吾血也。然則小畜之乾。亦稱血去。何也。小畜之血。疑也。疑慮勿存。密爾乃行。渙。坎之血。何也。勞民勿窮。精心乃通。然則是不為與。動歟。曰。與動而乾。君子之所樂也。與動而坎。不得其位。憂不在民。必在於君。君子逃。出。免咎而已。武王曰。南望三塗。北望五嶽。毋遠天室。周公曰。遇佚前人光。在家弗知。夫猶是濟渙之時也。而寧有逃。出之心乎。夫亦其位與時而已矣。



節亨。苦節不可貞。

彖曰。節亨。剛柔分。而剛得中。苦節不可貞。其道窮也。說以行險。當位以節。中正以通。天地節。而四時成。節以制度。不傷財。不害民。

象曰。澤上有水。節。君子以制數度。議德行。

正曰。夫變易之道。至於節而止矣。節不可易者。也。渙而受之。以節。若水之量於澤也。風行於水。而天下稱文。水量於澤。而天下歸質焉。渙之必歸於節。猶文之必歸於質也。天道之有數度。地道之有藪澤。人道之有德行。禮樂繇此起。文章由此作。政事繇此飭。故不知澤上有水之義者。則不知汚隆升降。源流盛衰之故。以滿則溢。以困則

潤。溢而无當於文。困而无當於質。是君子所不取也。然則不可貞之旨。獨為困發歟。日。為困發也。而履謙損益可貞之義。亦於此見焉。故不在九德。而備九德之義者。節是也。天下之可節者。莫若刑。其究也。以明慎用刑。而不留獄。

初九 節之

節亨。苦節不可貞。

習坎有孚。維心亨。行有尚。

不出戶庭无咎。

象曰不出戶庭。知通塞也。

正曰。守節而遇坎。已知之矣。坎者。節之所。正有也。坎之在節。猶在戶庭之內也。閨闈不去。娶而而行。朝守不歷位而言。君子有位則守官。无位則守道。陋巷啜菽。接琴而歌之。詩曰。緇衣茹蘆。聊可與娛。不出戶庭。何咎之有。

九二 節之 屯正變象

節亨。苦節不可貞。

屯元亨。利貞。勿用有攸往。利建侯。

不出門庭凶。

象曰不出門庭凶。失時極也。

正曰。節之屯。是苦節也。屯難始生。內變將作。梁翟之間。猶可以免。其世子曰。仁不惡君。知不重困。勇不逃死。吾伏以俟命。然則世子之出新城。未足為節乎。日。是在門庭

之內也。曰。然則越境乃免。遂足為智乎。曰。古者紳弁相見。而執羔雉。夫有所取之也。公子大夫。自相寓越。以免罪辟。非古之義也。然則出於門庭。聖人有取者。何也。曰。其公子札乎。公子札從父之命。則惡其亂序。從國之請。則惡其亂政。禍作而不避。則不達於命。故聘於魯。歷於齊。晉。禍平而後反。宗祏有主。則是吾君也。故為公子。不大臣節。獲節之心。于出門庭者。其惟公子札乎。

六三

節之

節亨。苦節不可貞。

需有孚。光亨。貞吉利涉大川。

不節若。則嗟若。无咎。

象曰。不節之嗟。又誰咎也。

正曰。需樂也。節憂也。樂非以節憂。而曰不節若。則嗟若。何也。數度德行。君子所自制。議也。君子貧不言苦。恭不言勞。遲不言久。久不言滯。獨行不言清。眾行不言馴。故樂非以節憂。憂亦非以節樂也。然得其節。則苦而反甘。不得其節。則樂而反嗟。以節節樂。何咎之有。韓宣子憂貧。叔向賀之。憂之未為免嗟。賀之未為得節也。然而可以免矣。故曰。无咎。

六四

節之

節亨。苦節不可貞。

兌亨。利貞。

安節亨。

象曰安節之亨承上道也。

正曰。節而說。承上而安。柔以履高。聞諫不拒。守禮而和。故臣有麗澤之益。而君无迫上之禍也。趙文子為室。斲其椽而礮之。張老夕焉。不渴而歸。文子就請之。張老對曰。天子之室。斲其椽而礮之。加密石焉。諸侯礮之。大夫斲之。士首之。備其物義也。從其等。禮也。文子歸。遠令勿礮。匠人請皆斲之。文子曰。止。為後世見之。其斲者。仁人之為也。其礮者。不仁者之為也。夫趙文子。則庶乎安節矣。嚮微張老。則不節之嗟。文子受之。故張老可謂知節。而麗澤者矣。

九五

節之
臨變正象

節亨苦節不可貞。

臨元亨利貞。至于八月有凶。

甘節吉。往有不來。

象曰甘節之吉居位中也。

正曰。知凶而不避。可謂甘節矣。節之有凶。夫人而知之。甘吉有尚。夫人未之知也。故節備四德者。兩焉。屯臨是也。屯之六二。以為苦節。臨之六三。以為甘節。二者交象所取。衷也。節取臨之說。以居其位。去屯之苦。以劑其德。故節者甘苦之所。絲調也。君子仁不廢義。智不害信。富辰之沒于翟。先軫之隕于箕。或得以死。韓獻子之違兵。叔孫穆子之養棟。或得以生。故生不擇甘。死不蹈苦。亦曰當位而已。當位者。君子之所貴。

易象正

卷十

三

上六 節之

節亨。苦節不可貞。

中孚。豚魚吉。利涉大川。利貞。

苦節貞凶。悔亡。

象曰。苦節貞凶。其道窮也。

正曰。節而中孚。謂之苦節。何也。君子之為節也。不求信乎人。求信乎已。不求信乎人。求信乎已。伯夷叔齊。信乎理。夫信理則可以无悔矣。伯夷叔齊。泰伯仲雍。公子臧。公子勝。皆是也。夫是六公子者。信乎理。則亦信乎人已矣。然且謂大人者。不求信人。不求信已。何也。曰。道可

以該節。節不可以該道。六公子者。已進乎道也。抱石墮淵。碎足灌園。則是豚魚之信。君子有所不為也。

變易之卦。至渙節將盡矣。渙節三陽。則亦南政也。初終之究。至於中孚。故復授之以中孚。自咸恒而來。於是五際。一千二百七


十七歲。與體卦積差。二百五十二。而復及於差始。凡三體三用。分星該日之數。至於五際。而約略更端。故舉咸恒。以至渙節。而

乘除之候。槩可見也。而後散之。故受之以序卦。傳曰。兌者說也。說以終離。故受之以渙。渙者離也。物不可以終離。故受之以

節。孝宗隆興二年。甲申。方唱復讎之說。冀望和議不成。而楚州一敗。暮氣遂生。魏杞

得正敵國而還。舉朝亦輟陵寢之請。悠忽歲月。朋黨之訶。發於上。道學之禁。申於下。陳賈林栗。踵楊良李定之故習。以排擊正人。主張邪說。幸而口口不侵。縉紳偷日。三

十年間。苟立南國。渙節中交。光宗嬰疾。不
 過重華宮。甲寅壽皇崩。上不執喪。以孝宗
 之孝。執衰三年。不能得其子。一日之養。禮
 樂崩壞。於是盡矣。留正行遜。汝愚投艱。道
 揚之日。差有可觀。而韓侂胄。又中為學。奸黨之
 朱熹。遂汝愚。胡紘。王沈。又中為學。奸黨之
 禁。及侂胄意衰。稍弛學禁。而伐金敗盟之
 既。又作矣。北伐喪師。乃以侂胄師旦首昇
 金人。亦古今之所經創。嗚呼。邊圉有事。則
 一肆其豺狼。口口无事。則奸回肆其蝥
 賊。壞屋飄搖。其風无方。韓侂胄死。史彌遠
 又出。史彌遠死。賈似道又出。金人朝亡。而
 元師夕出。金元循已勝之轍。而趙宋膠屢
 覆之舟。夫非其取之太易。則其守之良難
 積功薄於前。則敗闕重於後也乎。故曰。渙
 散也。離也。節止也。陰陽發疹。見於中交。寧
 宗丁巳。距甲申。渙限三十四年。胡紘上書
 言。偽學猖獗。為不軌。令於試期。自取家
 牒。其先元年乙卯。以汝愚之黨。斥徐誼。楊
 簡。流太學生楊宏中等六人。皆為漢唐亡
 國之舊方。而當國者。餌之如飴。詩曰。民之
 貪亂。寧為荼毒。是之謂也。



易象正卷之十終

易象正

卷一

三

天保辛卯

